



1 4  
1548  
2





京畿金

石

湧喜齋重雕

四方之極極  
正以宛平  
金石志所載北直一省  
漢永初之碑唐時  
其例以撰  
金

昭和十八年  
十二月十八日  
購



京畿金石考序

司

京畿金石考

京畿金石考序

著錄金石之書有二或就所得打本爲之考證或因前人所錄而存其目以俟搜訪觀陳思寶刻叢編各條下引元書則亦未見其碑黃叔瓚用其例以撰中州金石考

京畿爲四方之樞極訪古之所必至而方志俱無金石一門于奕正以宛平人作天下金石志所載北直一省猶多漏略幸神臯隩區地不愛寶若漢永初之碑唐時僕之志以及豐潤古篆之鼎遼金志墓之碣出於近世者不可勝數不加收輯後來者愈有望遠之疑予自史



官改授尙書郎居長安者六年退食之暇往往尋求古蹟今年以法曹扈從

西巡往還畿甸渡易水循恆山出龍兌之麓經行二千里雖飛書草奏日不暇給猶復懷墨舐筆馳馬荒郊古刹之間冀獲遺文故物恨行笈無書不能按圖索記僅見正定府開元寺石柱唐人題名及摩娑隆興寺諸碑而返心有歉焉歸後乃考宋人金石諸書及家藏直隸石刻分附郡縣撰爲上下二卷未見之碑及傳聞之誤則記其書之所出夫金石實一方文獻可以考證都邑陵墓河渠關隘古今興廢之迹大有裨於政事不獨奇

文妙墨足垂永久今制府梁公與家君爲同歲生者古博聞不以政繁廢學予所識此邦守土之官亦多好文化俗君子爰舉此書質之方冀諸公按部所及隨地咨諏必能補書中所未及或有創獲當函封以啓予再爲跋尾以繼考古博古集古金石諸書之後按元天歷閒幽州梁有九思奉勅歷山東河北拓金石文字三萬通彙進類其副二百卷題曰文翰英華方今

文治昌明旣開三通館檄取海內金石以續鄭樵通志之目又勅寫十三經立於太學異時如考前代之蹤設訪碑之使則予書不爲無用之學也



乾隆五十七年太歲在壬子長至後十日孫星衍撰

月  
一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十

京畿金石考卷上

順天府

大興 宛平 良鄉 固安 永清 東安 香河

通州 三河 武清 寶坻 甯河 昌平州

順義 密雲 懷柔 涿州 房山 霸州 文安

大城 保定 薊州 平谷

晉王密立魏征北將軍建成鄉景侯劉靖碑

元康四年九月刻石見水經注云濕水逕薊縣故城

南大城東門內道左有魏征北將軍劉靖碑晉司隸

校尉王密表靖功加於民宜在祀典以元康四年九



月二十日刊石建碑按其碑當在阜城門外今未見石鼓

凡十鼓小篆無號年書撰人舊在陝西岐山縣今在

國子監

隋白馬寺經幢

仁壽四年正月上旬造在閔忠寺南白馬寺

唐淤泥禪寺心經

正書宮官張功謹敬德監造貞觀二十二年三月刻

石在內城西隅鷲峰寺見金石文字記

唐心經

正書大足元年立僧有晦建見同上

唐雲麾將軍李秀殘碑

李邕撰并行書郭卓然摹勒并題額天寶元年正月立舊在良鄉縣後在宛平縣作柱礎僅存二百餘字

今置文文山祠

唐遊擊將軍薛侯碑

趙含撰并行書開元十八年正月立見金石錄目

唐閔忠寺寶塔頌

張不矜撰蘇靈芝正書至德二年十二月立在寺壁

唐心經



趙偃正書廣德二年八月立在內城西南隅石鐙菴  
見金石文字記方志作廣順二年誤

唐幽州復舜廟頌

韋稔撰顏頤正書并篆額貞元十二年閏八月立見

金石錄目

唐濮陽卞氏墓志

正書貞元十五年立

唐閔忠寺重藏舍利記

采師倫書會昌六年九月立

唐再修歸義寺碑

張冉撰大中十年九月立在舊城時和坊見方志云  
大唐再修歸義寺碑幽州節度掌書記榮祿大夫檢  
校太子洗馬兼侍御史上柱國張冉撰其略曰歸義  
金刹肇自天寶迫以安氏亂金陵史氏歸順特詔封  
歸義郡王兼總幽燕節制始置此寺詔以歸義爲額  
大中十年庚子九月立石方志又云寺在善果寺西  
半里菜圃又有遼碑又云記二篇今置善果寺內

唐閔忠寺重藏舍利記

僧南敘撰僧知常正書景福元年十月立

唐故幽州延洪寺禪伯遵公遺行碑



闕杖撰乾寧三年四月立在舊城寺中

唐千佛寺詩碑

見方志云僧所取礪若砧者皆斷唐人詩碑

唐北雷寺殘碑

有貞觀年月及北雷寺記等字在西直門小街十方

禪院

唐草書千文

僧亞棲書在國子監見天下金石志

宋石經碑

碑刻春秋禮記今磨滅不完在舊燕城南金國子學

見天下金石志又春明夢餘錄云九經石刻舊在汴

梁金人移置於燕

宋燕山清勝寺慈慧大師塔幢

宣和七年二月立在右安門外廣恩寺

宋鍼灸經石刻

仁宗篆題元至元閒自汴移此在三皇廟見天下金

石志

金太祖平遼碑

韓昉撰宇文虛中書在城南豐宜門外今未見

金尊勝經幢



天會五年立在外城東三轉橋華嚴寺

金募化大悲禪院碑

天會六年立在大興縣閻家莊

金尊勝經幢

天會九年十月立在慈悲院陶然亭

金萬壽寺戒壇碑

韓昉撰天德四年立按天下金石志有金戒壇波離尊者碑卽此

金萬壽寺戒壇碑

施宜生撰貞元三年立

金吳萸寺碑

大定四年立在南山磨石口隆恩寺

金潭柘寺碑

楊節度撰大定十三年立

金禮部令史題名記

党懷英撰大定十八年八月立在閔忠寺壁

金香山寺碑

李晏撰大定二十六年立見天下金石志

金祕書省碑

趙諷撰党懷英篆書明昌四年立在舊城宏法寺



金檀栢寺碑

僧重玉詩明昌五年立

金慶壽寺碑

党懷英分書明正統中為中人所毀寺即今雙塔寺

在西長安街

金章宗詩碑

在府西八十里仰山棲禪寺

金章宗飛渡橋飛虹橋六字石刻

見天下金石志當在雙塔寺

金大興隆寺碑

李晏撰見同上

金延壽寺記

路鐸撰太和六年八月立

金重修玉虛觀三清殿記

龐鑄撰太和八年立在罐兒胡同

金紫虛觀碑

龐鑄撰太和八年立在上今俱未見

金僧行臻塔幢記

承安五年四月立在玉河鄉廣濟院

遼尊勝經幢



會同九年立在閔忠寺

遼舍利佛牙石匣記

僧志願撰正書天祿三年立見方志云近菜市居民掘得始知之此地卽仙露寺遺址地名千人邑比邱尼皆曰邑頭陀記後列大遼皇帝皇后東明王夫人永甯大王燕國大王名

遼薦福大師造尊勝經幢記

劉贊撰王進思正書應歷七年六月立在閔忠寺

遼太子右衛率御史府率上柱國李內貞墓志

保甯十八年八月立見方志云乾隆三十九年窰廠

取土掘得墓石以古墓復封識存其舊志云遼故銀靑榮祿大夫檢校司空行太子左衛率府率御史上柱國隴西李公諱內貞字吉美瀋州人保甯十年六月一日薨於盧龍私第享年八十其年八月八日葬於京東燕下鄉海王邨按墓在琉璃廠東

遼尊勝經鐘

李懿建統和十八年四月鑄在阜城門外大路北衍法寺

遼施食幢

在衍法寺



遼法寶寺幢

仇正己撰統和二十二年立在舊城

遼閔忠寺石幢

正書重熙十二年立

遼天甯寺尊勝經幢

重熙十七年立方志云帝京景物略謂是隋開皇年

石誤今在廣甯門外寺中

遼奉福寺石幢記

僧眞延撰正書清甯九年五月立在廣恩寺

遼戒壇碑

虞仲文撰景福元年立

遼護國院石幢

咸雍元年立有碑陰

遼彌勒邑特建起院碑並陰

咸雍元年立

遼大覺寺碑

僧志延撰咸雍四年立在觀音山寺之龍王堂

遼尊勝經幢

王鼎撰大康元年立

又幢



僧裕經立大康三年立在上

遼萬壽寺戒壇碑

王鼎撰大安七年立在上

遼地宮舍利石函記

僧善製撰門人義中正書大安十年閏四月立在上

忠寺壁帝京景物略以為金代刻誤

遼慈智大德師經幢記

壽昌五年四月立在上

遼崇孝寺碑

僧了銖撰乾統二年立在上

遼尊勝經幢

乾統三年立在上

遼報國寺尊勝經幢

乾統三年立在上

遼駐蹕寺沙門奉航幢記

僧善堅撰正書乾統八年四月立在上

會會寺

元尊勝經幢

元在朝天宮按明碑稱幢上刻開皇年號曰朝陽寺云

云今石幢云宛平 西關人考宛平遼開泰中改名



則非隋幢

元尊勝經幢

普元奴立大朝已酉十一月立在玉河鄉池水邨按

此是定宗四年

元大都城隍廟碑

任棫撰李郁書至元五年六月立在內城都城隍廟

元天慶寺碑

王暉撰并書至元九年立在天壇北寺中又有廢鐘

有天慶二字

元創建天寶宮碑

王之綱撰至元十年立

元洞神觀記

李鼎撰至元十二年立

元丹陽觀記

王磐撰至元十六年冬立

元重修大悲閣記

安藏撰至元二十年四月立

元聖旨碑

至元二十一年立碑陰刻崇國寺北地產圖在護國

寺



元大都鞍山聚禪寺月泉新公長老塔銘

從倫撰至元二十八年立在西峰寺

元金佑聖王靈應碑

韓從政撰許復書元貞元年正月立在都城隍廟

元制贈大道正宗四世稱號碑

李謙撰崔或書元貞元年立在舊城春臺坊

元重修天長觀碑

王鶚撰元貞二年立

元太乙集仙觀記

大德元年立

元轉長生藏經記

大德二年立在護國寺

元加封聖號詔

大德十一年七月立在學宮

元崇恩福元寺碑

歐陽元撰大德十一年立

元崇教大師演公碑

趙孟頫撰并書皇慶元年立在護國寺

元大都路總治碑

王構撰劉廣書皇慶二年立在順天府署



元薦福寺碑

元朝辛亥歲謙公長老興修戊午落成己未立碑蓋

延祐六年

元建崇文閣碑

吳澄撰延祐六年立在國子監又啓聖祠土中獲元

題名碑三

元看轉大藏經長供記

至治元年立

元關廟碑

李用撰泰定元年立在阜城門外廟中

元天慶寺碑

袁桷撰泰定元年正月立在寺

元關廟碑

吳律撰泰定三年立在阜城門外廟中

元大都城隍佑聖廟碑

無書撰姓氏泰定三年立在都城隍廟

元大都城隍廟碑

虞集撰巉巉書至順二年立在廟中

元碧雲寺碑

至順二年立在香山寺中



元碧雲寺賣地幢

末云賣與中丞阿里吉

元加封先聖父母并四配制詞

至順二年九月立在文廟

元碧雲寺碑

元統三年立在香山寺中

元城隍廟碑

余闕撰莊文昭書至正四年九月立在都城隍廟

元瑞雲寺碑

僧雪成撰至正十年立在觀音山寺中

元大都崇國寺重建碑

僧法真撰葛禪正書至正十一年月立在護國寺

元聖旨碑

至正十四年立在護國寺

元隆安選公傳戒碑

危素撰并正書至正二十四年九月立在護國寺

元加封聖號宣命記

幸梓撰吳震書張璠篆額至正二十五年二月立在

都城隍廟

元長明鑑記



至正二十六年十月立在都城隍廟

元昭德寺碑

趙世延書在朝陽門外東嶽廟見天下金石志

元張畱孫神道碑

趙孟頫書見同上

元仁聖宮碑

虞集分書見同上

元勝因寺碑

闕復撰寺廢

元趙孟頫臨王右軍樂毅論黃庭經蘭亭定武本顏魯

公爭坐位帖張平叔金丹四百字五碑

俱在國子監今黃庭經爭坐位金丹四百字未見

元張天師像贊碑

趙孟頫書在朝天宮

元天師殿碑

趙孟頫書見天下金石志

元張天師大道歌

虞集書見同上

元黃籙大醮碑

虞集書見同上



元大普慶寺碑銘

趙孟頫書

元玉虛觀大道祖師傳授碑

楊果撰商挺書在罐兒胡同今未見

元大萬壽寺開山傳法歷代宗師實跡碑記

在清殿永光寺即萬壽寺

元宋本墓銘

謝端撰在城西三十里

元番字碑

在功德寺

元仰山棲霞寺滿禪師道行記

趙孟頫撰

元檀柘寺碑

葛天麟撰

又碑

危素撰

元耶律氏詞刻

在香山七真洞壁

元崇德祠堂記

史志經撰在長生觀



萬松老人甌塔題字

金元間僧在乾石橋北

石經碑

見明一統志云府西南山洞內石上刻經三十餘處多毀踏惟般若序品存焉

漢韓延壽碑

在府西南罕山剝落不可識見天下金石志按此疑非漢碑故附於後

右大興宛平縣

隋楊君讓墓古碑

在陽鄉舊店西

右良鄉縣

金贈儒林郎張君墓志

明昌二年立在押敵邨

金飛騎尉兼管常平倉李成彥碑記

在學宮

元關侯廟碑

李令撰延祐五年九月立在縣西南

元大都路總管府判官宋侯墓志

歐陽光書至正十四年立在陀頭邨



右固安縣

唐金輪石幢

聞元相等造正書聖曆二年二月立

宋大佛寺石幢

王士宗撰正書宣和七年立

宋冀州鐘識

題云朝請郎知冀州勸農兵馬監雲騎尉是宋時官

制朱彝尊曰下舊聞以為唐鐘誤

金延壽寺石幢

天會八年立

金龍泉寺碑記

侯邦達撰正書大定三年立

金尊勝經幢

正書大定二十年立

金南辛淄大寺石幢

正書明昌三年立

遼內興寺石幢記

天定二年九月立按史無天定年號蓋紀載闕略非

石刻之誤

遼金鵲廟石幢



大安中立

遼香爐石基題字

乾統中立在叉口邨隆慶寺

元史氏慶源碑

崔鉉撰平元書太定十二年庚子立

元神山洞聖旨碑

正書太宗皇后稱制四年乙巳立

元尚書史秉直神道碑

劉汾撰平元書太宗皇后稱制四年立

元兵馬元帥史進道神道碑

殷紹先撰平元書太宗皇后稱制四年立

元丞相史天澤神道碑

王磐撰至元三年二月立在縣西黑堡邨

自來鐘

見方志云在縣譙樓上篆文斑駁莫辨又引路史云

唐貞觀末桑乾河決土人得一鐘於水涘遂呼為自

來鐘

金右永清縣

金曹瑛建甯國寺碑

金大定三年立在畱犢里



金古營寺碑

明昌五年立

金團城寺碑

明昌六年立

金飛騎尉兼管常平倉李成彥碑記

在學宮

遼鐘

大安二年鑄在譙樓

遼楊哲墓碑

見方志云有碑斑駁

元關侯廟碑

李令撰延祐五年九月立

元東安州廟學記

孔克堅撰至正二十四年六月立

元邵家莊鄉學碑

李繼木撰

元大都路香河縣坊市西道院仁公塔記

僧定書至元七年八月立在隆安寺

右香河縣



唐然燈佛塔題字

見方志云學宮牆外古塔有石一方文云唐貞觀某

元年尉遲敬德修

唐景城縣主簿彭君權殯志銘

王建撰建中三年立

唐長豐縣令李丕墓志

貞元三年立

唐靳英希墓志銘

張遇撰并行書貞元十七年二月立見金石文字記

云近出鄆縣錠子邨寺中

周石佛題字

見方志云學宮牆外古塔有碣存周年號

元修古塔題字

有至德某年篤烈圖述在修字

云右通州

金舍利塔銘

大定十年立城內塔旁又有大安字殘石

遼廣濟寺佛殿記

宋璋撰正書太平五年立在寺

遼廣濟寺碑



宋璋撰重熙五年立在寺

右寶坻縣

漢冀州刺史王純碑

延熹四年八月立見天下金石志

唐太尉朱懷珪墓碑

元載撰李融書見天下金石志

唐尊勝經幢

僧不空撰劉詔書開元中立在州西北昭聖寺帝京

景物略以為貞觀中元奘書誤

金樓雲嘯臺字

章宗游駐蹕山題刻於石見天下金石志

金隱峯寺詩

大定六年立在銀山法華寺

元重修狄梁公祠碑

宋勃撰大德四年立

元劉諫議祠記

許有王撰

漢張孝張里墓碑

見方志云墓在州西北賢張口碑文尙存

石刻經幢



沙門佛陀波利譯在舊昌平大街

燕窩石題字

上刻燕窩二字傳是遼時物

范陽荒石題字

上刻一犬吠二鳳影傍有范陽荒石字在永安河邊

右昌平州

唐開元寺碑

鄭宣力撰大曆五年立在縣東寺中

元白雲觀記

宋渤撰大德八年立在呼奴山觀中

右順義縣

唐孔子七十二子漢晉名儒像贊

見唐書云顯慶中韋宏為檀州刺史修學宮畫孔子

七十二子漢晉名儒像自為贊今未見

元重修檀州文廟碑

王思誠撰至正六年立

右密雲縣

元紅螺山大明寺碑

樊從義撰王與書

右懷柔縣



晉康王碑

見水經注云在涿縣故城東北角

晉范陽王司馬虓廟碑

見水經注云在涿縣故城東

唐臨濟縣男任恭碑

正書貞觀十七年立

唐范陽郡新置文宣王廟碑今未見

韋稔撰張潛行書貞元五年二月立

唐蜀先主廟碑

郭撰正書乾甯四年立在樓桑村廟中見金石文

字記

金重修文宣王廟碑記

黃久約撰大定二十五年四月立大野樂而卒書米

金重修蜀先主廟記

王庭筠撰行書承安四年立

元孔子廟碑

李元撰大德五年立

元重修孔子廟碑

蔡銘撰至正二年夏立

元儒學藏書記



何伯琦撰

元崇元廣化岳真人道行碑

劉賡撰在州治北觀中

元大道張真人道行碑

吳澄撰在觀中

王右涿州

隋刻佛經

開皇中靜琬鑿石刻經一藏僅成大涅槃而卒唐宋

皆續刻

隋智泉寺舍利感應記

王邵撰仁壽元年立

隋立幽州智泉寺舍利塔銘

王臣暕撰仁壽元年立

隋舍利石函題字

大業十二年四月刻明萬曆閒得之

唐靜琬碑記

貞觀八年立在石洞壁上

唐王暕建石浮圖銘

甯思道撰正書景雲二年四月立

唐田義起石浮圖頌



王利貞撰正書太極元年四月立

唐雲居寺李公石浮屠銘

梁高望撰行書開元十年四月立

唐雲居寺石浮屠銘

王大悅撰正書開元十五年二月立

唐房山湯記

張嘉貞撰開元十五年四月立

唐山頂石浮圖後記

王守泰行書開元二十八年四月立天下金石志作

金仙公主奏請莊田記

唐涿鹿山石經堂記

劉濟撰元和四年四月立

唐雲居寺主律大德禪師神道行碑

何籌撰張景琮書并篆額咸通八年十一月立

唐石經堂題名

姚可矩撰正書咸通十二年立即在元和四年劉濟

碑陰

金六聘山天開寺懺悔上人墳塔記

王虛中撰賈漑書大安己巳姑洗月立在十方院旁

塔上



遼燕山雲居寺碑

王正撰鄭熙書應歷十四年立

遼重修雲居寺記

僧智光撰統和三年八月立王正智光二記共勒一

碑

遼雲居寺續鑄石經記

趙遵仁撰清甯四年三月立

遼雲居寺續祕藏石經塔記

僧志才撰正書天慶七年立

元雲居寺禪藏經記

僧法真撰陳顯篆額至元二年立

元六聘山天開寺碑

僧福址撰并書至元三年四月立

元石鐘銘

至元中立在甘池邨

元房山建學碑

魏必復撰延祐元年春立

元護持天開中院記

魏必復撰并書廉簡題額延祐四年九月立一面為

聖旨二道末書虎兒年月



元修華嚴堂經本記

賈志道撰并書至正元年八月立

元縣尹朱公去思碑

馬守恕撰至正中

元景德寺碑

王潛撰周伯琦正書至正十一年立

元六聘山天開寺碑

僧洪珪撰并書至正十二年立又有尊勝經幢

元守司徒侍中宗主某大師堂塔題字

在甘池邨

孫贖墓碑

見天下金石志案在吳橋縣又有贖墓

賈島墓碑

見同上按長江集有蘇絳撰賈島墓銘云葬安岳縣移風鄉則墓在楚中方志云明宏治中得斷碑於石樓邨闢地植碑蓋非墓碑

右房山縣

元瞻學田碑

皇慶三十年立

右霸州



唐張仁憲神道碑

李儉撰蔡陵分書并篆額大中二年立在縣相公莊

唐御史董甫墓志

裴度撰明萬厯初土人得之墓在城西南安祖店

宋大觀碑

在縣學

元平章政事王伯勝墓碑

在縣岳邨

右文安縣

金重修廟學記

劉光國撰正書天會十二年立

右大城縣

唐鉅鹿縣時侯墓志

劉通明撰行書貞元二十一年四月立近出土中

唐盤山上方道宗禪師遺行碑

僧知宗撰梁知止正書咸通七年立

唐甘泉普濟禪寺靈塔記

郎肅撰咸通十三年閏八月立

唐金山寺碣

見方志云唐光啓二年七月建寺有石碣存稱薊州



大夫張公修造此寺又有國子祭酒張峒題詩勒石  
薊州大夫峒之仲孫也在盤山金山寺

唐盤山題名

有李靖舞劍臺李從簡曾游十大字正書見金石文  
字記云從簡開成時人

唐甘泉靈濟寺靈塔記

郎肅撰正書咸通十三年立

金魚陽重修宣聖廟學碑

施宜生撰正隆元年立

金陀頭大師靈塔實行碑

僧知心撰善進書正隆六年立在盤山香水寺

金重修白岩寺碑

僧志恆撰大定中立在盤山寺中餘同山志中

金甘泉寺行通塔記

僧圓照撰正書大定五年立

金日照寺圓霞塔記

孫設撰正書大定九年立

金圓新和尚窣堵坡記

僧法銓撰大定中立

金慶壽提點裕公塔銘



在盤山白岩寺

金感化寺番字碑

大統四年立碑陰譯以漢字在薊州北二十里見天下金石志按金無大統年號恐是乾統之誤

遼感化寺碑

南林撰僧肅回書乾統七年立

遼修獨樂寺觀音閣碑

劉成撰正書統和四年四月立在翁同山寺中

遼祐唐寺講堂碑

李仲宣撰僧德麟書統和四年立在盤山寺中

遼感化寺澄方遺行塔銘

僧志隆正書大安七年立

元加至聖號制碑

閣代復代草大德十一年立在州學

元感化寺提點賢公長供記

僧福珪撰至正八年立

元重修法興寺碑記

僧圓玉撰在盤山少林寺

元法興寺提點榮公塔銘

僧圓瑩撰在寺



元少林寺主持威公塔銘

元僧圓讓撰在寺

右薊州

漢全椒侯馬成墓碑

在縣東二里

金節度使巨構墓碑

在縣南八里

元明倫堂記

納憐不花撰至正七年三月立

元元宮觀柏記

趙鑄撰歲丁亥立在縣東北二十里北獨樂河莊延

祥觀

右平谷縣

遵化州

玉田

雍伯碑

見水經注云其碑文云居於縣北六十里翁同之山  
後潞徙於西山之下陽公又遷焉而受玉田之賜情  
不好寶玉田自去今猶謂之玉田陽

金明威將軍李磐神道碑



高德裔撰并書在縣東北

元同知薊州事楊德潤墓碑

楊遇撰在城北

右玉田縣

古鼎

縣治內古鼎明宏治閒土人鑿井得之重五百斤圓腹弁口四足銘云佳甲午八月丙寅帝若古肇乍窰器粵聞禹作牛鼎各於太室迄用甯神休佳帝時寶萬世其永賴或以爲商器或釋窰字爲宋謂是宣和時物非也疑此北魏所造

唐九歌

歐陽詢正書

金韓天企墓碑

崇慶二年立在城西韓各莊

元創建文廟兩廡記

張勛撰正書延祐十年十月立

元豐潤縣記

孫慶瑜撰

古鐘

上有梵字在宏法寺中



右豐潤縣

保定府

清苑 滿城 安肅 定興 新城 唐縣 博野

望都 容城 完縣 蠡縣 雄縣 邳州 束鹿

安州 高陽 新安

王著書在府治東北

元孔子廟講堂記

元明善撰張珪正書延祐二年立

元孔子廟碑

郝經撰

元竹澤龍祠記

尚野撰在府城西南十里

元靜修書院記

危素撰

右清苑縣

漢觸鋒將軍廟碑

光初七年立見水經注云徐水又逕郎山君中子觸

鋒將軍廟南廟前有碑晉惠帝永康元年八月十四

日壬寅發詔錫君父子法祠其碑劉曜光初七年前



頓邱太守郎宣北平太守陽平邑振等共修碑刻石

樹頌焉

漢郎山君碑

見水經注云徐水徑郎山漢武之世戾太子以巫蠱  
出奔其子遠遁斯山故世有郎山之名山內有郎山  
君碑事具其文

魏御射三碑

太延元年十二月立見水經注云徐水逕東山下  
水西有御射碑又北流西屈逕南厓下水陰又有一碑  
又隨山南轉逕東巖下水際又一碑石文云皇帝以

太延元年十二月刊石碑陰皆列樹碑官名

元趙簡子祠記

郝經撰

右滿城縣

漢左伯桃碑

在縣西十五里墓前見寶刻叢編引訪碑錄

右安肅縣

北齊石柱刻字

見寰宇記云州郡志云易州義石柱北齊神武起兵  
埽除兇醜拾遺骸骨葬於此立石柱以誌之方志云



神武時義士王海立在縣西北三十里

沽酒邨刻石

見方志云碑云燕昭王沽酒飲樂毅處字剝蝕在縣

西

右定興縣

元紫泉龍祠記

蘇天爵撰在縣西南三十里

右新城縣

唐靈源山碑

上元二年刻見天下金石志在縣東北十五里壽聖

寺

金冀國公主元日畱題騫山溪詞

明昌中刻石龕於寺壁

柏巖寺詩刻

賈島詩及柏巖禪師詩刻石在縣西北柏巖山下

右唐縣

宋程氏瑩碑

在縣程委邨見方志云程顥五世祖明初碑始廢

右博野縣

宋五嶽廟碑



宋劉鄩撰郝洪正書元豐六年立

元創建虞帝廟碑

郝經撰正書至元三年立

宋縣右望都縣

漢幽冀二州立石分境碑

熹平四年立見水經注云徐水逕北平縣縣界有漢

熹平四年幽冀二州以戊子詔書遣冀州從事王球

幽州從事張昭郡縣分境立石標界具揭石文矣

漢太白君碑

見水經注云郎山君之元子也

盤古邨石刻

見方志云邑人劉紹掘得斷碣有盤古氏十月十六

日生九字餘書剝蝕

宋縣右完縣

唐漢賢神廟碑

韓凝撰大中時立明一統志載其略云神諱蓋十一

世祖齊康公避田和之亂宅於此神仕平帝朝為幽

州刺史封關內侯

樊於期廟碑

在南莊邨見方志云今廢未詳年代



右蠡縣

唐大忍寺門樓碑

楊遼撰裴抗書開元十一年立見寶刻叢編

唐大忍寺門樓碑

沙門某撰裴抗分書開元十八年立見同上

右祁州

宋石柱

有韓吉等題名至和三年夏立在東大陳邨永慶寺

金石塔

太和元年春立在回生邨開元寺

元勅賜高陽郡公耿氏先世碑

趙嚴撰嚴師簡書師敬篆額至元二年五月立

元石幢

延祐四年春立在耿虔寺

友山石題字

篆書時齋友山四字山石高三丈在縣學

右東鹿縣

元四賢祠碑

郝經撰祠祀郭隗樂毅劇辛鄒衍見天下金石志

右安州



周高陽左戈

文有高陽左三字

唐實諦寺碑

撰人姓名殘缺蘇靈芝之行書開元二十九年六月立  
見金石錄又寶刻叢編云在高陽寶刻類編云在順  
安

右高陽縣

易州

涑水 廣昌

唐易州龍興寺道德經

景龍二年正月刻

唐鐵象頌

王端撰蘇靈芝之行書開元二十六年六月立

唐御注道德經

蘇靈芝之行書開元二十八年刻

唐易州刺史田仁琬德政頌

陰按碑在保定府蓮池書院  
此誤

徐安貞撰蘇靈芝正書開元二十八年十月立

唐夢真容勅

趙履信撰蘇靈芝之行書并篆額開元二十九年六月  
立宋天聖六年重摹



唐易州刺史張公山亭再葺記

王璿撰行書建中二年立

唐候臺記

梁德裕撰蘇靈芝書開元二十九年十月立見寶刻類編

唐金剛經

山及多譯見寶刻叢編

金淮東道盧珪碑

在州東北十八里

蘭馬臺刻石

在金臺北燕昭王多築臺館至今敗壁猶有石刻

右州治

承德府

灤平 平泉州 豐甯 建昌 朝陽 赤峯

金興中府改建三學記

韓長卿撰并正書大定七年立

遼安德州建靈巖寺碑

耶律邵撰僧恆劬正書壽昌元年立

碑陰記

僧恆劬撰耶律邵篆書壽昌元年立



遼興國寺太子誕聖邑碑

僧方偁撰張雲正書壽昌四年立

遼玉石觀音像唱和詩

僧性煦行書壽昌五年立

遼興中府靈感寺塔銘

張嗣初撰行書天慶六年立

元興中州平治道塗碑

林某撰正書天統三年立

右灤平縣

元游闢牛岳觀大顯古跡詩

庚古台撰正書元貞二年立

右朝陽縣

永平府

盧龍 遷安 撫甯 昌黎 灤州 樂亭 臨榆

燕盧龍塞紀功石

見水經注云燕景昭元璽二年刻石嶺上其銘尚存

元清聖廟碑

馬祖常撰并書至元十八年立

右盧龍縣

元重建韓山書院記略



劉嵩撰張泰正書至正二十七年立

右昌黎縣

元王祥墓碑

趙簡撰在州南五十里

右灤州

河間府

河間 獻縣 阜城 肅甯 任邱 交河 甯津

景州 吳橋 故城 東光

後魏車騎大將軍邢巒碑

延昌三年甲午十月立見寶刻叢編云在瀛州

唐贈僕射李紹立碑

石庭規撰康保允正書并篆額大順三年四月立見

寶刻類編

右河間縣

西魏岐州刺史王毅碑

大統九年十月立見金石錄

唐瀛州任邱令王君德政碑

崔融撰分書無姓名儀鳳二年立見同上

唐上柱國平州司馬馮道墓志

如意元年立在縣界見寶刻叢編引訪碑錄



唐長豐縣興城碑

沙門逸文分書無姓名開元二十三年十二月立見

金石錄

唐御注孝經雙石幢記

楊諫撰劉景廉分書開元二十七年九月立見同上

唐文安郡任邱令王君清德頌

傅衡之撰崔琦正書天寶八年正月立見同上

唐刺史劉君清德碑

不著撰人名氏見寶刻叢編引諸道石刻錄

右任邱縣

唐修董子祠碑

見天下金石志

漢丞相條侯廟記

見明一統志云在州西五里其旁有墓

晉修尹孔翊清德頌

見同上水經注云清河逕邸閣城東晉修縣治有縣

長魯國孔明碑寰宇記作孔翊天下金石志作孔翊

疑誤

宋塔輒

刻元豐時人名在開福寺



右景州

元修縣城碑

至大中立在縣北二十里廢修縣城中

元大峯寺刻石

元末老僧勒銘在縣西牟鄆

右故城縣

天津府

天津 青縣 靜海 滄州 南皮 鹽山 慶雲

元直沽接運官德政碑

貢師道撰至元中立

元三义沽創立鹽場碑

王鶚撰至元中立

元河閒路總管李進墓碑

在縣北古甯鄉

元諸路新軍總管李世和碑

在縣北里仁鄉

大右靜海縣

隋文儒先生劉炫碑

大業元年立見寶刻叢編又見寰宇記云在滄州舊

城後學之人爲立碑見存



金重修會應神廟記

正隆二年四月立

金南堂窪古碑

大定十年建在州北

趙武靈王墓銘

見方志引寰宇記云州城東南隅先有古墓高二丈唐貞元十三年增築外城掘得銘云是六國時趙武靈王墓遂置祠云按應邵云趙武靈王葬代郡靈邱則墓不當在此

右滄州

元南皮縣郎口兒口濬川記

劉沂撰至元中立

元滄州導水記

無書撰人名至元中立

元重修許清池壁記

至正中立在城南二十里五龍祠

右南皮縣

金潞州涉縣特令騎都尉上谷縣男寇公墓碑

大定壬午冬立

元禮部郎中飛騎尉會川縣男尹公碑



至正開立天下金石志載此

大右青縣

宋天如宮碑

宣和中邱濬記

元重修天如宮碑

大商挺撰至大四年二月立

右靜海縣

齊玉佛像記

天保八年刻在縣內

齊比丘尼圓照寺造彌勒主名象碑

武平六年立在管家寺

右慶雲縣

正定

獲鹿

井陘

阜平

藁城

行唐

靈壽

平山

元氏

贊皇

晉州

無極

藁城

新樂

隋龍藏寺碑并陰

唐大理卿唐穎碑

京畿金石考

卷上

畢



右青縣

宋天妃宮碑

宣和御印記

北重修天妃宮碑

商挺撰至大四年二月立

石靜海縣

晉玉佛象記

古巖雲線

元平六年立查曾案持

京畿金石考卷下 百大中觀谷又唐人觀谷其迹

正定府 獲鹿 井陘 阜平 藥城 行唐 靈壽

平山 元氏 贊皇 晉州 無極 藁城 新樂

隋龍藏寺碑并陰

張公禮撰正書開皇六年十二月立

唐大理卿郎穎碑

李百藥撰宋才書貞觀五年十月立在府北郎氏墓

林中見寶刻類編引集古錄目

唐平公官屬題名





平公穎也在穎碑陰

唐隋尚書左丞郎茂碑

李百藥撰張師邱書平公孫餘令題額貞觀五年十

一月立在府北郎氏墓林中見同上

唐陶雲德政碑

張義感撰不著書人名氏高宗三年立在真定府衙

門下見寶刻類編引集古錄目

唐解慧寺三門樓讚

李宥撰周贏金行書大曆十二年六月立在開元寺

三門石柱上又有大中題名又唐人題名甚多

唐真定令柳令譽紀德碑

裴抗撰并分書開元三年立見寶刻類編按金石錄

作十二年

唐河侯新祠頌

秦崇撰王晏行書開元九年四月立

唐真定令杜望之遺愛頌

李琚撰并分書開元二十五年立見同上

唐疊嶂樓碑

獨孤霖書咸通十二年十二月立見同上

唐梁公儒碑



于廣撰閔宏靖書并篆額天祐十三年立見同上

唐北平王再修文宣王廟院記

高諷撰正書天祐十五年立見同上案天下金石志

有漢宣父廟碑蔡邕隸疑誤

宋龍興寺鑄衆修閣記碑

僧惠演撰正書乾德元年立

宋龍興寺鑄大悲像并閣碑

田錫撰吳郢行書端拱二年立

宋龍興寺大悲閣記

葛繁撰正書紹聖四年立

宋告顏子文

蘇軾書見天下金石志

金真定府署記

郭士文撰大定乙丑立

元勅賜龍興寺帝師碑

趙孟頫撰并行書延祐三年立

元祝延聖主本命長生碑

王思廉撰趙孟頫正書延祐四年立

元長命燈記

僧承恩行書延祐元年立



元加葺宣聖廟記

李木魯翀撰虞集書至順三年立

元喜雨堂記

銀納錫璋撰在府城內

元史天澤祠碑

王博文撰見明一統志云在府城外東北隅元丞相史天澤始為真定都帥有德政及卒義士彭世和等構祠像祀之中丞王博文撰碑

右正定縣

唐鹿泉縣尉皇哲碑頌

龍朔二年立見寶刻叢編

唐白鹿泉神君祠碑

韋濟撰裴抗分書開元二十四年三月立見寶刻叢編引諸道石刻錄

唐本願寺碑

大曆五年立

唐金剛經

大曆五年立

唐鹿泉胡神祠文

來復撰并書寶曆二年四月立見同上引復齋碑錄



宋過淮陰侯廟詩

韓琦撰曹涇正書慶曆八年立

金雲巖院染公塔銘

景某撰李文珪書大定十四年立

元左丞相史天澤墓碑

徒單公履撰見明一統志云在縣東三十里

王思廉墓碑

王緯撰在縣南五里

抱犢山石刻

山刻抱犢福地四字見天下金石錄

繫馬石誌

字畫剝落見同上

右獲鹿縣

隋并涇令邢光乘清德頌

不著立石年月見寶刻叢編引諸道石刻錄

元并涇縣學記

楊俊民撰至正丙申立

元焦忠甫墓碑

王廉撰在縣東南三十里

右并涇縣



唐建永橋碑記

永徽四年十二月立在縣西陳邨

唐藥城縣孫氏紀族碑

孫福善撰孫仲杲書儀鳳三年立見寶刻類編

唐藥城縣孫陽施石臺銘

趙撰撰并書開元丁卯歲立見同上

唐藥城令劉沔遺愛頌

鄭綬撰趙舍書大歷五年立見寶刻叢編引訪碑錄

元藥城縣學記

郝采麟撰大德五年立

古碣

見方志云孫陳邨西有石碣斜立土中露額文字剝落

右藥城縣

玉山神女廟輒

見寰宇記云玉山祠水經云行唐城內北門東側祠後有神女廟前有碑其文曰玉山將軍故燕冀之神童後為城神聖女者此土華故石神夫人之元女趙武靈王之初營斯邑城彌載不立聖女發歎應與人俱遂妃神童潛刊貞石百堵皆興不日而成故此神



後之靈應不泯焉

金行唐縣學記

王若虛撰大安己巳立

巢父問答碑

見天下金石志云在箕山

右行唐縣

宋平山縣學記

武漸撰熙甯二年立

右平山縣

漢祀三公山碑

篆書永初四年立乾隆間出

漢樊子義立三公山碑

光和四年立

漢無極山碑

光和四年立在縣西三十里

漢八都壇神廟碑

光和中立在縣西北二十里廟壇上見寶刻叢編引

訪碑錄

北齊定州刺史賈念碑

在元氏縣界見寶刻叢編引訪碑錄



唐八都壇記

元質撰無書人名氏垂拱三年立見寶刻叢編引集

古錄目

唐開業寺碑

李尙一撰蘇文舉正書開耀二年二月立在封龍山

西吳村碑陰多宋人題名

唐元氏令龐君清德頌

邵混之撰蔡有鄰書開元二十四年三月立

唐龍宮碑

天寶初立見明一統志云在縣南三里韓臺

唐封龍山碑

陰按漢封龍山頌道光間出今在元氏文清書院

李公緒記見天下金石記

試劍石題字

見明一統志云封龍山上唐郭元振游學於此見一

石裂出五色雲氣因得石中寶劍左丞史彬書試劍

石三字於上

宋元氏縣學記

曾宏撰皇祐中立

又

曹景撰元祐庚午立



金元氏縣學記

李治撰泰和中立

金試劍石頌

樊倫撰見天下金石志

元元氏縣學記

王思廉撰大德五年立

八角井龍母碑記

見明一統志云在縣東十五里字多剝落

右元氏縣

吉日癸巳刻字

見寰宇記引穆天子傳云至房子登贊皇山山上有廟及碑寶刻類編以為周穆王書案癸巳之巳誤作戊己之己其謬甚矣此必唐人不通篆法者為之

隋李德饒墓碑

見方志云墓在縣邢郭邨德饒仕至司隸從事志石俱存

唐李嶠墓碑

見方志云墓在縣西三十里志石俱存

唐李德裕墓碑

見方志云墓在縣東二十五里志石俱存



元贊皇縣署記

鄭鎬撰至元八年立

元贊皇縣學記

王磐撰至正十六年立

右贊皇縣

元新遷廟學記

王構撰高原書元貞二年立

白果道人刻石

見方志云州西三里白果塔內鑿石佛立於井上足  
鐫道人出處歲久剝落

右晉州

漢白石神君碑

光和六年立

金無極縣署記

馮翼撰大定二年立

金整暇堂記

馮翼撰在縣治西北

右無極縣

漢蔡湛頌碑并陰

光和四年立在縣西二十五里見天下碑錄



隋九門令李康清德頌

開皇十二年二月立

隋九門令鉅耳府君清德頌

不著撰人名氏大業六年立在廢九門縣中

唐九門縣西浮圖碑

董行思撰傅得節書上元三年立

唐僧道原發願文

王洽撰王承規集王義之書并篆額貞元十四年正

月刻見同上

金楊伯雄墓志

見方志云在縣東鄭莊村明嘉靖元年里人起土得  
其墓志復埋之

元安石峯墓碑

王思廉撰元貞二年九月立在縣安仁鄉

元王善墓碑

李治撰在奉化鄉南孟里

元董俊神道碑

李治撰

元王慶端神道碑

歐陽元撰至元九年正月立



元董文炳墓碑

王磐撰

元董文用墓碑

閻復撰

元董士選墓碑

吳澄撰

趙王彭祖墓石刻

見方志云昔人有耕冢前地得石刻掩之在縣東大

墩邨北

右藁城縣

伏羲臺碑

字畫剝落不可讀見天下金石志

右新樂縣

冀州

南宮 新河 棗強 武邑 衡水

漢冀州從事張表碑

建甯元年立集古錄日金石錄隸釋俱云在冀州諸

道錄云在澶州府廳上澶州即今開州

漢董仲舒贊

班固書見天下金石志



唐述聖碑

大足元年立在新都縣北開通寺內見寶刻叢編引訪碑錄

唐勅冀州刺史源復詔

明皇書在州治見同上

唐下博令許君德政頌

王懷惠撰馮靈仙書開元六年正月立

唐述利勒手詔碑

王端撰田琦分書并題額開元二十七年立見寶刻叢編引訪碑錄

宋石幢子記

乾德三年建在州治東武安王廟內

宋養正堂碑

黃庭堅作見天下金石志

右州治

隋南宮令宋君像碑并陰側額

分書開皇十一年立在縣內尼寺乾隆閒出

唐斷碑

見方志云普彤塔漢永平十年建唐貞觀四年重修有唐時斷碑大耳禪師重建在縣舊城



宋洪濟寺石刻

見方志云在縣城西二里有石刻千佛頽式皇祐四

年字

元扁鵲廟碑

康繼孔撰劉潛德書元貞二年立

右南宮縣

唐堂陽令元府君德政碑

宋正書無撰人姓名開元十七年四月立見金石錄

右新河縣

漢小黃門譙敏碑

何籀云蔡邕書在棗強縣北十七里見東觀餘論中

平四年立見寶刻叢編引集古錄目

漢賈敏碑

在縣北三十一里見寶刻叢編引訪碑錄

右棗強縣

唐蜀王師蓋文達碑并陰側

于志甯撰李正書貞觀二十八年立

唐寶雲古鐘

貞元六年造今譙樓鐘

元立孔穎達墓碑



袁緯撰大德七年立

右衡水縣

趙州

柏鄉 隆平 高邑 臨城 甯晉

耿球碑

袁紹立師宜官書見寶刻類編按寰宇記云在平棘

縣宋子故城

平棘橋碑

見寰宇記云平棘縣汶山水經云橋東有兩碑

後魏張善碑

不著書撰人名氏大延四年立見寶刻叢編引集古

錄目

東魏趙貴碑

不著書撰人名氏天平二年立見引同上

隋藥州使君江夏徐公碑

郗士威撰侯彥直分書大業二年七月十五日立見

寶刻叢編引復齋碑錄云在汶川石橋前

唐瘦陶令李環仁清德頌

正書無書撰人姓名永徽元年立見寶刻叢編

隋造浮圖碑



不著書撰人名氏開皇七年立見寶刻叢編引集古錄云此碑在平棘

唐立漢光武皇帝廟碑

李雲撰盧規行書開元十九年十月立

唐令長新誠

明皇御製開元二十四年二月立見寶刻叢編引諸

道石刻錄

唐能大師碑

宋鼎撰史維則分書天寶十一載立

唐立漢光武即位壇碑

王預撰并行書開元二十二年四月立

唐趙郡開元寺經樓銘

僧楚瓊行書并篆額見寶刻叢編引諸道石刻錄

唐刺史王公德政碑

見引同上

唐石橋記

張嘉貞撰柳識書見寶刻叢編引訪碑錄橋在州南五里

唐禹穴碑

韓梓材書見天下金石志



唐元傲律師碑

徐浩書見同上

唐禹廟禱雨詩

太和中薛萃馬宿馮定李紳等倡和見同上

宋尊勝經幢

劇如綸正書景祐五年立

宋永安縣度僧記

馬昭撰馬城行書元豐八年立

宋石獅刻字

刻紹聖二年九月十一日字在州門外左右各一

空明洞天石刻字

見方志云在州廡石上鐫四字傳是晉唐閒物

見右州治

漢堅鐔墓碑

見方志云縣北二十里鄣城西南有碑仆地字剝落

難辨按漢書堅鐔乃潁川襄城人不知何以在此

金焦旭墓碑

在縣南魯村墓碑見存

右柏鄉縣

唐昭慶縣令王璠清德頌



李大亮撰宋書天寶五載立宋政和中碑仆趙師夔起之宣和中改遷今治縣令孫易復改建思賢堂縣治西并璠碑移置焉

唐光業寺碑

楊晉撰在建初陵

右隆平縣

漢光武碑

見寰宇記云漢帝北逃至高邑亦光武卽位於此有石壇壇有圭頭碑卽帝所建

唐李氏三祖堂記

李雲卿撰在高邑之北道旁見寶刻叢編引諸道石刻錄

右高邑縣

唐石佛堂記

孫義龍撰并行書開元十二年三月立在李莊

宋爽亭石碣

蔡京書爽亭二字見天下金石志

右臨城縣

晉太尉楊駿墓志

見寰宇記云在甯晉縣北十里高一丈有石誌存金



石錄云碑陰所記凡二百五十三人晉咸甯中建  
隋楊城石碣

方志云有朱瑤者獲大業閒誌石於舊楊城按楊城  
卽縣址

右甯晉縣

深州

武強 饒陽 安平

隋敬族碑

見寶刻叢編引諸道石刻錄

唐魏府君行覽墓志

魏知古撰見方志云見在

右州治

唐武強令梁胙德政碑

撰人名缺劉元明正書垂拱九年四月立見寶刻叢

編

唐武強令王公德政碑

見寶刻叢編引訪碑錄云在本縣

唐立隋皇甫興碑

見方志云在縣西北皇甫邨興仕魏河陰太守卒於  
隋開皇中葬於咸通之三年其銘陰云吾葬後一千



二百年被王洛州發之明嘉靖七年果被王姓小名  
洛州者發其墓無所見止得銘石棄諸野知縣張相  
聞之使人收其石至縣文字楷書曉然可讀後知縣  
馬克復返葬故處而封之尋被水衝出州民移置村  
廟前今尙在

元東嶽廟碑

見方志云縣東南一里卽元孝子李璋建東嶽廟爲  
母祈壽紀事碑至今碑中隱隱有梅影枝幹宛然如  
生

右武強縣

漢冀州從事安平趙徵碑

見水經注云在安平城內

魏冀州刺史陳畱丁紹碑

青龍三年立見同上

魏獻文帝南巡碑

見同上云在城南

唐崔慎碑

蘇頲撰慎孫璿分書開元三年立見寶刻叢編引集

古錄目

右安平縣



定州

曲陽 深澤

漢上谷太守議郎張平仲

光和中立見水經注云滹水東南逕盧奴城南又東

北川渠之左有張氏墓及此碑寶刻叢編引訪碑錄

云在安喜縣東六里天下金石志作張谷云在棗強

漢孝子王立碑

見水經注云安喜城郭南有漢明帝孝子王立碑寶

刻叢編云在安喜縣天下金石志立作元誤

晉蘭亭修禊序

唐明皇刻舊在定武郡齋宋薛紹彭刻別本畱中山

易古刻歸長安大觀中取其石置宣和殿

後魏刺史崔亮頌

神龜二年正月立見寶刻叢編

魏中山太守常通碑

見寶刻叢編引訪碑錄云在府城西北三里

隋正解寺碑

劉鼎卿撰不著書人名氏開皇十二年四月立見寶

刻叢編引集古錄目

隋高陽郡隆聖道場碑



虞世基撰并書大業元年十二月立見引同上天下  
金石志作虞世南誤

隋七祖堂記

無書撰人名氏見寶刻叢編引諸道石刻錄

唐正解寺碑

李百藥撰分書無姓名貞觀四年正月立見同上

唐法果寺碑

姚璿撰鞠處信正書垂拱四年二月立見同上

唐施食臺銘

趙僕撰并書開元十五年立見同上

唐盧含那舍珉象碑

趙僕撰蔡有鄰分書開元十六年二月立見同上

唐文宣王廟記

盧肇撰并正書大中十三年八月立見同上

唐修文宣王廟院記

高諷撰并正書天祐十五年四月立碑陰上十行行

書下有僚屬題名正書

唐定州錄事王君頌

無書撰人名氏見寶刻叢編引諸道石刻錄

唐安濟橋銘



張嘉貞撰

宋闕古堂記

韓琦撰慶曆八年立

宋衆春園記

韓琦撰皇祐三年立

宋韓忠獻祠堂記

郭時亮撰滕中書元豐三年立

宋韓魏公祠繪事記

王巖叟撰劉安世正書元祐五年立

宋韓魏公載祀典勅

行書元祐五年刻

宋滿庭芳詞

蘇軾撰并正書元祐六年刻

宋行香子詞

蘇軾撰并正書紹聖二年刻

宋古塔題字

見方志云州治南古塔創於咸平四年成於宣和二

宋雪浪石盆銘

蘇軾撰并正書



宋水竇巖刻字

蘇軾書在縣西北五里

宋謁廟文

蘇軾書見天下金石志

宋村牧之詩

蘇軾書見同上

宋淮南避暑詩

米芾書見同上

宋艸書千文

蘇舜欽書見同上

宋松醪賦

蘇軾艸書

宋雪峯六言雜詠石刻

在儒學

宋蘇過楷書

在天甯寺壁

蟄窟字

見方志云在天甯寺內遠看則明近看則暗筆法奇

峴大定二十二年僧智宗有讚

唐陋室銘



劉禹錫書見天下金石志

唐陰陽竹刻

王維作見同上

俞一鵬風雨露晴四竹石刻

在儒學

元增修加號牌樓記

朱德潤撰正書元祐六年

周邨古碣

字跡泯滅不可復識

右州治

漢北嶽恆山碑

見天下金石志云文字磨滅惟光和四年等字隱隱

可見漢碑無疑或以爲蔡有鄰書者非

晉北嶽祠堂頌

泰始六年見同上

魏碑

見水經注云滌水逕恆山下廟北晉魏改有東西二

廟廟前有碑闕場列柏焉

北齊造珉像題名

天保七年立石府城內奉恩寺二門上見寶刻叢編



引訪碑錄

北齊恆山義七級碑

不著書撰人名氏

隋妙法蓮華經觀世音普門品

分書開皇十三年立在縣少容山

唐鎮嶽靈仙寺碑

薛收撰正書無姓名貞觀元年立見寶刻叢編

唐恆嶽嶺路銘

張克雋撰書人缺調露二年二月立見寶刻叢編引

集古錄目

唐北嶽府君碑

韋虛心撰陳懷志行書開元九年三月立

唐恆山祠碑

張嘉貞撰并正書開元十五年四月立

唐北嶽真君碑

房鳳文八分書無姓名開元二十年正月立見寶刻

叢編引復齋碑錄

唐北嶽恆山碑并陰側

鄭子春撰崔鑲分書李逖篆額開元二年立天大

唐北嶽封安天王廟碑銘



李荃撰戴干齡分書篆額天寶七載五月立碑陰文  
唐傑撰戴干齡分書天下金石志有漢北嶽安天大  
王碑疑卽此

唐鬼尉篆

劉伯榮筆見天下金石志按方志云廟門兩壁有唐  
人蒲州刺史劉伯榮所畫鬼尉者左負韉矢右捕長

蛇

唐高述等題名

元和二年刻在嶽廟

唐謁北嶽記

范希朝書元和五年刻見寶刻類編

唐周載題名

元和十年

唐鄭志等題名

元和十一年

唐兵曹參軍薛鋹等題名

太和五年

唐騎都尉薛嗣立等題名

唐薛廖等題名

開成五年



唐刺史鄭放等題名

會昌四年刻餘題名尚多

唐李克用題名

中和五年五月

唐修北嶽廟碑

劉端撰王知新行書見金石文字記

唐吳道子畫像

在嶽廟

唐北嶽廟李夔詩

見金石文字記

宋修北嶽安天王廟碑

王禹偁撰黃仲英正書淳化二年立

宋北嶽譙告文

真宗御製白憲行書大中祥符八年立

宋北嶽安天王聖帝碑

陳彭年撰邢守元行書大中祥符九年立

宋重修北嶽廟記

韓琦撰并正書皇祐元年立

宋北嶽廟題名

王鼎書皇祐二年刻



又

趙滋書皇祐二年

又

楚執中書皇祐三年

又

劉兼濟書皇祐三年

又

靳樸書治平元年

又

王巖叟書治平二年

又

待其璿正書元祐五年

宋石幢

白憲書見金石文字記

宋蘇軾書浮休二大字

在縣西北五里水竇巖浮休張舜民別號

燕南奇勝刻字

見方志云在縣少容北岩高處字大數尺時代及人

無考

風雨竹石刻



見方志云世傳關帝親筆在治西關廟按此當是明  
人扶鸞所爲

商子碑

王子洞在縣西北七十里隅有商子碑

賈島洞石刻

縣北六十里世傳島隱於此有石刻

右曲陽縣

魏立劉盆子墳碑

正始二年立見寶刻叢編引訪碑錄

魏元成碑

正始五年立見同上云在縣墳側

唐開元寺碑

分書開元十八年立

右深澤縣

順德府

邢臺 沙河 南和 平鄉 廣宗 鉅鹿 唐山

內邱 任縣

周邢侯夫人姜氏鼎

見方志云邢侯夫人墓在府城西寰宇記云邢侯夫  
人姜氏葬襄國城西不知其處齊武平初有人掘得



銅鼎五有科斗字云邢侯夫人姜氏墓順德古名襄國知不謬

隋文帝舍利塔碑

李百藥撰書人名缺不可辨大業五年四月立

唐曹溪能大師碑

蔡有鄰撰書見寶刻叢編

唐能大師碑

宋鼎撰史維則分書天寶十一載二月立見同上

唐鍾離權艸書

見天下金石志

周勣修六曹軒宇記

僧應文撰正書顯德元年立

宋興學聖德頌

范致君撰正書崇甯三年立

宋開元寺圓照塔記

陳振撰晁詠之正書大觀四年立

宋高明寺題名

阮功遠正書大觀四年立

金開元寺修圓照塔記

劉仲尹撰張天籟正書大定五年立



元萬安恩公碑銘

劉百熙撰并正書定宗皇后稱制之二年庚戌立

元大開元寺建普門塔碑

王暉撰商挺書至元十六年立

元資戒壇碑

王磐撰商挺書至元十六年立

元改邢州為順德記

米子貞撰劉賡正書大德二年立

元虛照禪師塔銘

陳庭實撰趙孟頫行書延祐元年立

元天甯寺記

趙孟頫書見天下金石志

漳右邢臺縣

漳河神壇碑

見水經注云衡漳逕銅馬祠東廟側有碑是碑頃因

震裂餘半不可復識矣當在沙河縣西北七十一里

湯山

唐新息令墓志

正書光宅元年刻

唐右丞相宋璟碑



顏真卿撰并正書大曆七年九月追建碑陰顏真卿  
撰正書無姓名大曆十一年三月立

唐贈邢州刺史宋府君碑

正書

宋邢州大安山封禪寺碑

石介撰僧紹珍書康定二年立

宋石熙墓志

墓在府城西十三里爲盜掘志石今在府學

右沙河縣

隋南和縣澧水石橋碑

分書開皇十一年立在縣東四十里

南和縣澧水石口橋靈纍文碑

金萬華堂鐫石

高有鄰刻在縣內

右南和縣

沙邱石槨銘

銘下馮其子靈公奪我里見寰宇記引皇甫謐帝王  
世記云衛靈公卒葬沙邱宮穿冢得銘

右平鄉縣

魏開府彭公建廟碑



唐邕撰武定三年十月立方志載其文在宣霧山

唐宣霧山鐫經像碑

李君政撰貞觀七年九月立方志載其文

唐柏仁令鄭君紀德碑

李義仲撰正書無姓名聖歷二年十一月立見寶刻

叢編引金石錄按柏仁城在縣西十二里

右唐山縣

元長春觀碑

至正間立在縣西見天下金石志

右內邱縣

廣平府

永年 曲州 肥鄉 雞澤 廣平 邯鄲 成安

威縣 清河 磁州

漢淳于長夏承碑

建甯三年六月立元祐間治河始得之明嘉靖中毀

知府唐曜重摹

魏大長秋游述碑

咸甯三年九月造見寶刻叢編引復齋碑錄

後魏相州刺史徐雅碑

不著書撰人名氏天平二年立見寶刻叢編引集古



錄目

齊王起碑

起一作超

隋韓公碑

見寶刻叢編云二碑諸道石刻錄

隋安定縣造寺碑

開皇八年五月立見寶刻叢編引金石錄

唐昭福寺碑

岑文本撰貞觀四年立見寰宇記云在縣西南十里

沼水南

唐高匡墓志

不著書撰人名氏乾封二年立見寶刻叢編引集古

錄目又墨池編云在沼州永年

唐張德墓志

墨池編云在沼州永年

唐立漢世祖祠記

張邈撰梁游楚分書天寶二年四月立見寶刻叢編

引金石錄

唐聰明山神祠記

張造撰正書無姓名大曆七年立見引同上山在府



城西六十里

唐聰明山銘

洪經綸撰張沔分書建中元年六月立見引同上

唐禱聰明山記

盧預撰不著書人名氏元和二年七月立見寶刻叢

編引集古錄目

唐獨孤守忠碑

韋承慶撰柳濟物書見寶刻叢編引諸道石刻錄

唐滄州三河鎮將昭武校尉張德誌

見寶刻叢編引元豐碑目云在永年

唐崔府君碑

見寶刻叢編引訪碑錄云在州城敷靈廟內

唐崔府君墓志

見同上引云在同前處

張邕碑

見寶刻叢編引諸道石刻錄

婁山碑陰按趙廿二年石刻道光間出在婁山

見方志云唐太宗討劉黑闥於此碑蹟尙存

景明寺碑

見方志云在廣平縣北張村有光武御製碑按此蓋



不知何碑之誤

宋聰明山神碑

陳薦撰

右永年縣

唐清漳縣令為神武皇帝造像記

見方志云明天啓丁卯清漳村居民掘井得斷石略云開元丁卯洺州清漳縣令秦獻為神武皇帝造七級石梁圖彌陀像清涼菴

右肥鄉縣

唐罔極寺大行禪師元德塔銘

韓覃撰并書開元二十六年二月見寶刻叢編引

金石錄又引訪碑錄云在邯鄲縣

唐大行禪師義方訓

何榮光行書開元二十六年二月立見引同上

唐日愛寺碑

何榮光書開元二十六年立見寶刻叢編引訪碑錄寺在縣東北土壁邨

唐登叢臺懷古賦

嚴浚撰蔡有鄰分書開元二十七年秋立

唐洺州司馬龐承宗碑



見寶刻叢編引訪碑錄云在邯鄲縣

宋慶賓勅詞小碣

在愛古軒壁

右邯鄲縣

張耳墓石

在縣東北三十里沒於漳水志石尚存字剝蝕難盡

辨

右成安縣

元重修儒學記

楚惟善撰伯顏書至順二年立

右威縣

唐石佛刻字

見方志云隆興寺前殿背負壁上有白石佛一尊高

九尺背後刻唐大曆十年造

宋隆興寺定光佛墓碣

吳浚勒記

右清河縣

東魏太尉高翹碑

碑後題建立歲月文字殘缺云歲次己未蓋元象二

年建見寶刻叢編引金石錄



石磁州

大名府

元城 大名 南樂 清豐 東明 開州 長垣

漢冀州從事郭君碑

光和三年十月立見寶刻叢編

魏彈棊局款識

見方志云舊府城興隆寺佛殿西楹下有魏公彈棊

局猶文帝時故款

隋舍利石函蓋記

在府城隆興寺

唐善達法師碑

郭庭誨撰任遺祚正書開元七年五月立見寶刻叢

編引復齋碑錄云在元城

唐魏州刺史狄仁傑生祠碑

李邕撰張庭珪分書開元十年十一月立

唐尊勝陀羅尼經幢

盧重元分書開元中立見寶刻叢編引訪碑錄云在

州城開元寺

唐相衛山川寺廟名錄

開元中立見寶刻叢編引訪碑錄云在府城



唐狄梁公祠堂碑

馮宿撰胡證書并篆額元和中立

唐魏博等州節度何進滔德政碑

柳公權撰并書唐元度篆額開成五年正月立宋政和中磨去舊文另刊新製

唐觀音寺碑

李贊撰王立伯書元和二年立見寶刻叢編引訪碑錄云在城內

唐魏博節度田緒遺愛碑

裴均撰張宏靖書元和六年二月立政和中為大名

尹所毀

唐開元寺新修法華院記

張若撰李系正書長慶四年立見寶刻叢編引訪碑錄云在府城內開元寺

唐新修隆興寺碑

李翰撰崔并書張肱篆額寶曆二年立見引同上云在府城內

唐開元寺碑

李翰撰崔并書太和元年立見引同上云在府城內唐開元寺修功德記



李翰撰崔并書張肱篆額太和丁未歲立見引同上  
云在府城內

唐觀音寺陀羅尼經幢記

會昌四年立見引同上

唐觀音寺舍利塔碑

裴礪撰并書篆額天祐二年立見引同上

宋城修學記

秦垣撰牛直孺書政和三年立

宋雪香石刻

文彥博製見天下金石志

宋大觀五禮記

或云徽宗書或云蔡京書見同上

右元城大名縣

梁三寶銅印

背刻梁貞明三年在縣北十五里福興寺

龍骨寺碑

宋真宗改清淨菴爲龍骨寺碑刻尙存在縣南二里

右東明縣

宋靈津廟碑

神宗立見天下金石志



右開州

宋太尉陳堯佐待制范諷登興寺經閣詩刻

縣尹錢某刻至和元年土人掘地得之

龍逢墓碣

在縣西龍城土人掘地獲石文曰龍逢

右長垣縣

宣化府

宣化 赤城 萬全 龍門 懷來 蔚州 正甯

懷安 延慶州 保安州 景固土

遼西望山舍利碑

見天下金石志

元祁真人道行碑

李謙德撰不忽朮書大德三年立

元景賢書院碑志

見天下金石志又方志云元相康里脫脫建在處鎮

城南十里又真贊與正縣字至五正平立五風韻關

右宣化縣

唐永徽殘碑

見方志云明永樂閒狼山之陽掘地得斷碑並柱礎

唐永徽元年建



金大雲禪院記

姜堯仁撰孫衍書大定十年立

右蔚州

元石刻佛經

蒙古畏兀女貞梵漢五種字至正五年立在居庸關

元幽巖禪師碑

見天下金石志

元哲言不花善政碑

州南龍嶺徯城元指揮使哲言不花築有善政碑

仙枕石刻字

上刻仙枕二字旁刻呂賁書在居庸關內道旁元陳

孚有詩云居庸萬馬繞山前未許蒼苔睡晏然見說

華山風日好何如移伴白雲眠則此石在元已前

回光軒碑

在小日東南

李陵碑

在帳房堡邊外

右延慶州

上谷太守碑

見方志云在保安街引顏師古曰蔡邕所為上谷太



守廳碑字甚遒勁予手摹識之今廳當在舊沮陽城  
上谷右保安州

古碑氣壁數尺

李刻碑

奔小日東南

回光碑

華山風日致何收舒并白雲翔限北江五元口前

平首蒲云風韻萬黑懸山前未稿蒼苔舞晏然具植

京畿金石考卷下終 岐呂黃書亦風韻關內散吏元刺

止觀輔行傳宏決序

# 輔行記

示虛無者名教之道廢遺文字者述作之義乖古先  
至乘時利見聖賢道契德音莫違尚假言詮寄結集  
九時 知幾 曾之賓十無一二至有第年  
是 各 或謂即心 半 其  
大若是蓋由未辨文字之性離孰喻總持之功深惟昔  
百者大師降生示世誕敷元德大拯橫流吞覆簣於大  
心振絕維於龍猛命家作古以中觀為師宗立極建言



守麗碑字甚遒勁予手摹識之今屬當在舊沮陽城  
右保安州

麟之靈

止觀輔行傳宏決序

宗虛無者名教之道廢遺文字者述作之義乖古先梵  
皇乘時利見聖賢道契德音莫違尙假言詮寄諸結集  
況時淹像季學鮮知幾領會之賓十無一二至有窮年  
默坐甘節于懵懵白首論心遲回於半滿人之多僻其  
若是乎未階捫象各陳乳色或謂卽心是佛悟入之門  
色不異空本末誰迹將冥絕待章句何施嗚呼大教陵  
夷若是蓋由未辨文字之性離孰喻總持之功深惟昔  
智者大師降生示世誕敷元德大拯橫流吞覆簣於大  
思振絕維於龍猛命家作古以中觀爲師宗立極建言



以上乘爲歸趣爰付灌頂頂公引而伸之欽若宏持廣  
有記述教門戶牖自此重明繼之以法華威威公宿植  
不愆于素復次天宮威威公敬承如水傳器授之於左  
谿元朗朗公卓絕天機獨斷相沿說釋遑恤我文載揚  
於毗壇湛然然公閒生總角穎悟左谿深相器異誓以  
傳燈嘗言止觀二門乃統萬行圓頓之設一以貫之噫  
纘承四世年將二百魚魯斯訛不無同異方將釋思津  
導元流遂廣斥邪疑旁薄今古質而不野博而不繁著  
輔行記凡十卷備前聖廣略之旨允今人勝劣之機豈  
唯錯綜所聞將以隱括所治所治卽行三多之妙運遽  
階所聞唯解一真之元覽斯溜夫行有岐路則始終天  
隔解無方隅亦淺深隨類建言輔行以舉其全故自遠  
方來詢疑請益擊蒙發覆孜孜日夕庶幾幽贊欽若傳  
宏道之將行不孤運矣咨予末學輕議上乘其猶爝火  
增輝二曜君山除僮男普門子敬序時永泰首元興唐  
八葉之四載







伯欣然從事竭十晝夜之力纂成一冊凡屬梵言概從  
刪削其有不援古籍自抒已論者亦多汰之以歸省約  
就中稱引遺文墜簡藉存什一所引見存各書字句往  
往別異或出唐以前舊本均足以資考證余嘉甘伯好  
古之勤又喜是書之晦而復顯爲付剞劂冀與元應慧  
苑兩家並廣其傳焉其書舊題止觀輔行傳宏決今從  
序文稱輔行記而仍留舊名并存其原序原第俾後人  
有可考同治八年七月吳潘祖蔭

止觀輔行傳宏決

唐毗陵沙門湛然述

續谿胡澍錄

第一之一

隋字玉篇加土者待過反字本無走唐祚旣興謂隋已  
走是故加之 皇大也爾雅云皇者匡正也極也大也  
壯盛貌也 挹者斟酌也詩云惟北有斗不可 挹酒  
漿 芻字謂派芻亦分別字書多作別字 論語云生  
而知之者上學而知之者次困而學之又其次也困而  
不學民斯爲下矣 書云青出於藍而青於藍染使然  
也 書云崑竹未翦則鳳音不彰情性未鍊則神明不



發 詩云有覺德行 鷲頭者說文云此鳥黑色多子  
廢者說文云馬舍也 玉篇云瞳者目珠子也 博  
物誌云嵩高爲中岳屬豫州華山爲西岳屬同州泰山  
爲東岳屬兗州恆山爲北岳屬冀州衡山爲南岳屬荆  
州 爾雅釋親云父之考爲王父加王者尊也王父之  
考爲曾祖王父加曾者重也會祖王父之考爲高祖王  
父加高者最上也 卽者廣雅云合也 天台者章安  
山記云本稱南岳周靈王太子晉居之竟爲其神命左  
右公改爲天台山也若淮孫公山賦云所以不列於五  
岳闕載於常典者以其所立幽奧其路曠迴故未知章

安所出

第一之二

梯者說文云木階也 圓者全也李奇云圓錢也 玉  
篇云無目曰瞽又云有瞳無明直忍切 曰瞽有目無瞳曰  
瞽 說文云龍者能幽能明能大能小春分登天秋分  
潛淵管子曰欲小如蠶子欲大滿天地 亘者通度也  
方言云竟也 寔者說文云願辭也亦豈也 淮南子  
云海不讓水積小成大 莊子云生爲懸疣附贅死爲  
決肌殞癰肌字戶貫反釋名云疣者丘也出於皮上如  
地有丘 論語云導謂爲之正教也 說文云月者闕



也有盈有虧故名爲闕 廣雅云鏡月扇月 詩云彼  
都人士出言有章 廣雅云顛倒也論語注云顛沛僵  
仆也 字統云有底曰囊無底曰橐 冠首飾也平聲  
呼之周禮云在首曰冠亦可去聲謂冠於首 云者說  
文云象雲氣在天迴轉之形 廣雅云云者有也

第一之三

爾雅云一達名道路二達名岐旁三達名劇旁四達名  
衢五達名康六達名莊七達名劇八達名崇九達  
名逵 六畜者鄭元注禮云牛馬羊犬豕鷄 爾雅云  
四極遠者東至泰遠西至邠國南至濮盆北至祝栗此

極遠也博物誌云東九夷南六蠻西七戎北八狄次荒  
之國也周禮八蠻六戎餘同博物 鴟有力鳥也俗呼  
爲老鴟爾雅云鴟類也 老子曰失道而後德失德而  
後仁失仁而後義失義而後禮失禮而後智失智而後  
信 顛顛者仰也詩云萬人顛顛 由者藉也爾雅云  
助也 符合也漢書封功臣以竹長六寸分而合之爲  
信故字從竹 玉篇云剝者裂也 俗釋權者反常合  
道又云迹近而行遠和光不同塵賈遠曰變也宜也

第一之四

西域記云昔婆羅門以一竹杖長一丈六欲量佛身纔



約佛身杖上猶有如杖量許量既不已插地而去其杖  
成林後於此中而立精舍名爲杖林 史記云識用曰  
神易曰利用出入之謂神易曰陰陽不測之謂神 釋  
名云誓制也 遄者往疾也詩云人而無禮胡不遄死  
釋名云神盡曰死 耕者說文云犁也蒼頡云墾也  
說文又云人曰耕牛曰犁山海經云后稷之孫叔均始  
造牛犁 說文云土高曰臺有木曰榭 說文云由風  
所飛曰颺由風動塵爲飈

第一之五

玉篇云加言曰誣亦掩也欺也 風俗通云聖者聲也

以其聞聲知情通天地暢萬物故也易曰聖人者與天  
地合德與日月合明與四時合序與鬼神合其吉凶

第二之一

字書云加跌者大坐也 禮云在牀曰屍在棺曰柩  
論語曰君子不可罔也 疲者國語云勞倦病也蒼頡  
云嬾也

第二之二

列子有六夢謂正夢夢思夢寤夢懼夢周禮云占六  
夢之吉凶 壇者禮云築土爲之 饌者玉篇云陳飲  
食也亦具食也 韓康伯云洗心曰齋防患曰戒 東



阿王問子華曰君子亦有耘乎子華曰夫拔藜莠養家  
苗者農人之耘也修正性改惡行君子之耘也 說文  
云不耕曰場詩云九月築場圃 肖者說文云骨法相  
似也 爾雅云鬼者歸也尸子曰古者名死人爲歸人  
又云人神曰鬼地神曰祇天神曰靈 阮籍兄孫瞻每  
執無鬼論忽有客詣之言及鬼神之事客乃理屈作色  
曰鬼神者古今聖賢共許君何獨言無卽僕是鬼也遂  
變形而滅又阮咸有從子修亦執無鬼有論者云人死  
爲鬼君何獨言無曰今有見鬼者言著生時衣若人有  
鬼衣亦有鬼耶論者伏焉 孔子云生與人事此尙未

知死與鬼神我爲能測 詩傳云以色曰妬以行曰忌  
害賢曰嫉 易曰唯人爲萬物之靈禮云人者天地之  
心五行之端 丈夫者人長一丈故曰丈夫白虎通曰  
夫者扶也以道扶接故也 爾雅云蟲食苗節爲賊

第二之三

國語云陸載曰運水載曰漕 莊周云出處語默 爾  
雅云白華野菅也郭璞云茅屬

第二之四

說文云姪者私逸也左傳云貪色也

第二之五



周是國號姓姬氏帝王世紀曰帝嚳妃姜嫄履神人之迹而孕以爲□□棄之陋巷牛羊不踐置之寒冰鳥覆翼之嫄以爲神收而養之童戲好於稼穡及長仰伺房星以爲農候舜進之於堯以掌農正而爲稷官故謂之后稷賜姓姬氏始武終赧三十七王頌曰武成康昭穆恭懿孝夷厲宣幽攜平桓莊僖惠襄頃匡定簡靈景悼敬元貞哀思哲威安列顯順赧王三十七攜不經□□云三十八左傳云初平王之東遷也辛有過伊川見被髮而祭於野者曰不及百年此其戎乎其禮先亡矣犬戎者卽六戎是初名六渾今時其地置六渾縣謂

唐虞已上有犬戎獫狁薰鬻居天之北邊隨畜牧而轉移逐水草而遷徙無耕田有畜養各有地分而無文書有言語約束兒能乘羊引弓射鳥唯習弓箭而無禮義君王已下皆食畜肉少者食肥美者食其餘貴少賤老父死妻其母兄死妻其嫂自殷周以來侵抄中國後□□伐犬戎逐於洛北時時入貢名爲荒服□□已後犬戎不至列傳云阮籍字嗣宗陳留尉氏人也容貌魁傑志氣宏放傲然獨得任性不羈喜怒不形於色或閉戶讀書累日不出或□□山水信宿忘歸嗜酒能嘯忽忘形骸時□□謂之癡晉魏之世天下故多名士而□



□□者因不交世事酣飲爲常及文帝輔正拜爲東平  
相乘牛而往旬日而還雖性志孝而不拘禮教母終正  
與人棋對者求止固留決賭賭訖飲酒二升舉聲一號  
吐血數升裴楷往弔但踞醉直視而已見禮俗之士以  
白眼視之由是禮俗之士嫉之若讎或時輒卧鄰家少  
婦之側或有亡者無親而往弔駕□□路窮則哭還  
宗集不復用杯團坐圍盆而□歡□□□國號晉姓  
司馬氏高陽之子黎爲夏官□□以夏官爲司馬因以  
爲姓懷愍至孝武來一十五帝愍帝之時晉國亡者由  
諸賢達不習兵戈尙文奢誕後公卿子孫效之遂爲五

胡侵國因幸江東故童謠云五馬浮渡江一馬化爲龍  
因茲惠帝第三子獻等徙都建業號爲東晉稱元帝至  
孝武時仍多酒色由茲祚傾 阮籍兄子咸咸次子孚  
元帝時爲□□蓬頭飲酒不以王務經懷恆爲右司所  
□□容之後拜揚州長史帝謂曰卿鎮軍府宜節飲也  
對曰陛下不以臣不才委以軍旅之重臣不敢有言者  
以今王莅作威風教赫然皇澤遐被寇賊息迹氛祲旣  
澄日月明白亦何可燭火不息正應端拱嘯詠以樂當  
年 炎帝神農氏爲黃帝所滅子孫避之居于朔野鮮  
卑奉以爲主其後曰普迴因狩得璽普迴異之以爲天



授其俗謂天曰宇故曰宇文初登之時亦信佛法後信  
讖緯云黑衣當王遂重道宗親承符籙元冠黃褐內常  
服用心忌釋宗盡欲誅殄而患信佛者多未敢專制有  
道士張賓詭詐罔上私達其策潛進李宗排斥釋氏元  
嵩相副帝納其言欲覘經過貶量佛失召僧入內七宵  
行道帝與同場七宵無過又勅司隸大夫甄鸞詳佛道  
二教鸞上笑道論三卷三十六篇用笑三十六部其時  
又有安法師與帝情重又著二教論十二篇明道教攝  
在九流之內不應獨爲教主故教唯有二遠法師有抗  
帝論後帝東巡任道林開佛法又因王明上表以開佛

法其元嵩本河東人遠祖從宦家於蜀川梁末都東城  
卽後梁蕭察也察滅歸立至天保十二年當陳太建六  
年卽宇文建德三年滅佛道二教宇文經于七年至天  
和二年嵩上表云唐虞之世無佛圖而國安齊梁有寺  
舍而祚滅但利民益國卽稱佛心夫佛者以大慈爲本  
終不苦役黎民虔恭泥木請造平延大寺容著四海萬  
姓不勸立曲見伽藍偏安二乘五典平延寺者無閒道  
俗罔擇寃親以城隍爲塔寺卽周武是如來用郭邑作  
僧坊和夫妻爲聖眾推令德作三綱尊者年爲上座選  
仁智充執事求勇略作法師是以六合無怨紂之聲八



方有歌周之詠飛沈安其巢穴水陸任其長生都上一  
十五事 莊子云西施心痛而嘔其里其里之醜人見  
而美之亦歸捧心而嘔其里其里富人見之堅閉門不  
出貧者見之挈妻子而去之走彼知美嘔不知嘔之所  
以美 穴者深潛飛者高逝此之二句在莊子毛嬙麗  
姬文中今文將此二句共成西施之文彼注西施文云  
夫禮義者當時而用則西施也過時而不棄卽鄰女也  
夫三皇五帝之禮義法度其猶粗梨橘柚其味相反而  
皆可口故禮義法度者須應時而用之今取猿狙衣以  
周公之服彼必齧嚙挽裂盡去之觀古人與今其猶猿

狙之異周公 說苑云人臣之行有六正六邪一者萌  
兆未現見存亡之機名爲聖臣二者進善通道功歸於  
君名爲大臣三者卑身進賢稱古行事以勵主意名爲  
忠臣四者明察早見終無憂患名爲智臣五者守文奉  
法飲食廉節名爲貞臣六者國家昏亂而不論犯主嚴  
顏言主之過身死國安名爲直臣

第三之一

莊子云而世貴言傳書不足貴也 老子曰知則不言  
言則不知 莊子云人長七尺不以爲大螻蟻七寸而  
得大名



第三之二

說文云未冠而死曰殤禮云十九已下曰長殤十五已下曰中殤十一已下爲下殤七歲已下爲無服之殤私者蒼頡云不公也

第三之三

莊云天其運乎地其處乎日月諍於所乎孰主張是孰綱維是孰居無事而推行是老計守雌

第三之四

廣雅云閑者正也 五行者此起黃帝感元女星精說此五行白虎通曰火者陽尊水者陰卑木者少陽金者

少陰土者大包故二陰三陽尊者配天水者唯也任養萬物木者觸也觸動萬物火者化也謂變化萬物金者禁也禁其始起土者吐也含萬物也 六甲者甲頭也一甲五行一行二日六甲六十日一年之中甲經六甲行三十六白虎通云甲有十干時有十二甲者萬物之甲如甲未開乙者屈也如萌蟠屈未欲出也丙者明也謂萬物明也丁者彊也戊者盛也已者起也庚者更也辛者始也壬者任也癸者度也子者慈也丑者紐也寅者演也卯者茂也辰者震也已者起也午者長也未者味也申者身也酉者收也戌者滅也亥者該也 陰陽



者太元經云營大功明萬物者曰陽幽無形不可測者曰陰易曰一陰一陽之謂道陰陽不測之謂神 八卦者謂震兌離坎乾坤艮巽一卦六爻爻謂適時之變又爻者效也謂陰陽氣也易曰掛一以象三十有八變而成卦 五經者白虎通曰孔子見周道陵遲自衛反魯以定五經而行其道禮記經解曰溫柔敦厚詩教也疏通知遠書教也廣博易良樂教也潔淨精微易教也恭儉謙敬禮教也屬辭比事春秋教也禮有三謂周禮儀禮禮記傳有三謂公羊穀梁左傳故云九經 子謂百家諸子史謂諸國史籍集謂古今賢良所抄如御覽之

流 王瞽音目夜云逍遙者調暢逸豫之意夫至理內足無時不適亡懷應物何往不通以斯而遊天下故曰逍遙又云理無幽隱逍然而當形無巨細遙然俱適故曰逍遙 李仲卿著十異九迷以斥佛法南山作十喻九箴用形邪說今略其五一曰老君逆常託牧女而早出世尊順化因聖母而誕生二曰老聃有生有滅畏患生之生反招白首釋迦垂迹示生示滅歸寂滅之滅乃耀金軀三曰重耳誕形居陳州之苦縣能仁降迹出東夏之神州四曰伯陽職處小臣忝充藏吏不在文王之日亦非隆周之師牟尼位居太子身證特尊當昭王之盛



年爲闍浮之教主五曰李氏三隱三顯無教可依假令  
五百許年猶慙龜鶴之壽法王一生一滅示現微塵之  
容八十年間開演恆沙之眾凡諸比決其事實多具如  
甄正辨正笑道心鏡破邪二教牟子等論 齊物云秋  
毫不小泰山不大 月末爲晦晦暗也月初爲朔朔蘇  
也十五日曰望謂十五日日月相望卽滿月也故說文  
云月者亦名望舒月望則舒 始自弓娥終十四夜以  
月初出如似娥眉復如弓滿故說文云月者亦名恆娥  
亦名常娥月初月末恆常如娥

第四之一

陶大刀切者今濮州南陶丘城堯曾居之故曰堯城故謂  
堯曰陶唐氏 臣軌云夫孝者先須安國國安所以家  
安家安所以行孝 律者陶虞始造蕭何以爲九章爾  
雅云法也

第四之二

振丹兩字並恐書誤下第十所引卽云震旦琳法師釋  
云東方屬震是日出之方故云震旦新婆沙云脂那西  
域記云至那此聲並與震旦真丹相近

第四之三

國語云管仲相齊制三十家爲邑尙書大傳云凡宗廟



有先王之主曰都無曰邑 說文曰造就也聘問也  
釋名曰州者注也郡國注仰也風俗通云州者疇也疇  
類也說文云田界也 孝傳云三州人者契爲父子長  
者爲父次爲長子次爲幼弟父令填河以造宅久填不  
滿爲父所責二子發誓若必孝誠使填河有徵發是誓  
已河爲之滿又蕭廣濟孝子傳云昔三人各一州皆孤  
露惇獨三人暗會於一樹下相問甯爲斷金之契二人  
曰善乃相約爲父子梁朝破三人離 釋名云人所羣  
聚曰郡天子制地千里分爲百郡 蕭廣濟孝子傳云  
昔五郡人謂中山郡常山郡恆州魏郡魏州鉅鹿郡邢

州趙郡趙州此五人者少去鄉里孤無父母相隨至衛  
國結爲兄弟長字元重次仲重次叔重次季重次雉重  
朝夕相事財累三千於空城中見一老母兄弟議曰拜  
此老母以之爲母因拜曰願爲母母乃許焉事之若親  
經二十四年母忽染患口不能言五子仰天而歎曰如  
何孝誠無感母忽染患而不能言若我有感使母得語  
應時能言謂五子曰我本是太原陽猛之女嫁同郡張  
文堅文堅身死我有兒名烏遺七歲值亂遂亡所之我  
子曾前有七星之文右足下有黑子語未竟而卒五子  
送喪會朝歌令晨出忘其記囊謂五子所竊收三重禁



二重詣河內告枉具書始末河內太守乃是烏遺因大  
哭曰吾生不識父母而母爲他所養馳使放三重後奏  
五人爲五縣令 毛詩刺齊云有挈壺氏知漏刻之官  
漏刻不節君臣服亂而倒裳求領禮度昏亂 周禮云  
卜以決疑不疑何卜 釋名云書庶也紀庶物也書亦  
曰著著萬物故周禮有六書謂指事像形形聲會意轉  
注假借 劉子云龜以智自害翠以羽自殘丹以含色  
磨肌石以抱玉碎質 莊子云燕支離肩高於頂頤隱  
於臍五管在上若賜疾者粟我則有分若差役者兵我  
則無用是名全生之大用 莊子曰有力者負而趨之

而昧者不覺 呂氏春秋曰勞者精神則散也 詩曰  
在心爲志 爾雅云金謂之鑊木謂之刻骨謂之切象  
謂之磋玉謂之琢石謂之磨又釋訓云如切如磋道學  
也人須學以成德如琢如磨自修也人須修以立行  
眸者目童子也孟子云心中正則眸子明 翠者翡翠  
也異物志云巢於高樹離地六七丈夷人下之取其子  
說文云赤雀形大如鷺翅羽碧色 耽者爾雅云久樂  
也 宗尊也廟貌也謂尊貌之所居社謂后土土者吐  
也土之所生如口吐物卽地神也國語云平九土故祀  
以爲神田正也又云戴黃天而履后土土地廣不可盡



敬故封爲社稷爲五穀總名卽五穀之神也故天子所居左宗廟右社稷布列四時五行 褒姒者昔夏后氏之衰有二龍止於夏庭自言余褒姒之二先君也龍亡而祭在櫃而韞之夏亡以此器傳於殷殷亡又傳於周三代莫之敢發至于幽王末年發之祭流于庭使婦人裸而噪之化爲元黿入王後宮後宮有未甞童女遭之旣笄而孕無夫而生懼而棄之於路有夫婦夜聞其啼哀而收之遂亡奔於褒國褒人贖罪請入童女於幽王女出褒國故云褒姒幽王三年於後宮見而愛之生子伯服乃廢申后及太子立褒姒與伯服姒不好笑笑則

百二十媚幽王欲其笑打賊鼓舉烽火諸侯悉至而無寇姒乃大笑幽王數爲之諸侯後遂不至至十一年申侯與犬戎共攻幽王幽王舉烽火打賊鼓徵兵莫至遂殺幽王虜褒姒盡取周賂而去申侯乃與諸侯立太子 詩傳云非穀而食曰肴肴菹也說文從肉者啖也

肥腴者說文云腹下肉也 莊曰五色亂目使目不明五聲亂耳使耳不聰五臭亂鼻因悛中類五味嚼口使口厲爽取舍滑心使性飛揚此五生害害於五根老語

大同

第四之四



猶者爾雅云如鹿善登木尸子言五尺犬犬曰猶說文云隴右謂犬子爲猶亦獾屬 孔丘云兵食尙可去信不可去 尙書云土無由曰壤 郭注爾雅云勞苦多墮曰窳 博物志云皇甫謐問青牛士說養生法云人欲常勞食欲常少勞無過極少不至虛去肥膩節鹹酸第五之一

文選甘泉賦云覽道德之精剛剛卽金石中堅也 陣陳也謂布列也太公六韜中有天地人雲鳥等陣也 後漢靈帝崩後獻帝時有牟子深信佛宗譏斥莊老著論三卷三十七篇第二十一救沙門譚是非中立問云

老子曰知者不言言者不知又云大辯若訥又曰君子恥言過行設沙門知至道何不坐而行之空譚是非虛論曲直豈非德行之賊耶答老亦有言如其不言吾何述焉知而不言不可也不知不言愚人也能言不能行國之師也能行不能言國之用也能行能言國之寶也 牟子又云懷金不現人誰知其內有瑋寶披繡不出戶孰知其內有文彩馬伏櫪而不食則驚與良同羣士含音而不譚則愚與智不分今之俗士智無髦俊而欲不言辭不說一夫而自若大辯若斯之徒坐而得道者如無目欲視無耳欲聽豈不難乎 春秋中齊威王二



十四年魏王問齊王曰王之有寶乎荅無魏王曰寡人  
國雖爾乃有徑寸之珠十枚照車前後各十二乘何以  
萬乘之國而無寶乎威王曰寡人之謂寶與王寶異有  
臣如檀子等各守一隅則使楚趙燕等不敢輒前若守  
寇盜則路不拾遺以此爲將則照千里豈直十二乘車  
耶魏王慙而去 劉子云山抱玉而草木潤焉川著珠  
而岸不枯焉淮南子亦云泉有珠岸不枯 山海經云  
高山多青碧郭璞云碧者玉也說文云青者美色也  
老子觀身爲患 爾雅云大路曰奔中庭曰走 詩云  
人之訛言苟亦無信

第五之二

洪範五行云凡有害者皆名爲災春秋傳曰天反時爲  
災又傳例曰天火曰災

第五之三

爾雅云休者喜也廣雅云慶也 漢末三人俱詣相者  
相者見孫劉有社稷之相卽便語之曹公不蒙相者所  
記知相者不逮褰衣示之相者見已舉聲大哭至後漢  
末此之三人果據三方孫據吳劉據蜀曹據魏前後二  
漢并王莽十八年劉元一年合四百二十六年後漢末  
獻帝時董卓作亂殺太后焚洛陽五星失度五嶽崩裂



天狗流行地數振動白虹貫日赤氣穿宮穀一斛五十萬豆一斛二十萬州縣各權羣臣餓死至建安元年操爲司隸校尉操本沛人姓曹氏諱操字孟德漢曹參之後少多機警有權數好飛鷹走狗遊蕩無度世人未奇之唯南陽何顒等異之顒謂曰吾見天下之士未見若君者天下將亂非命世之士不能濟能安者在君乎爲校尉時知尚書令事二年袁紹稱天子八年操尚爲冀州牧十三年操爲丞相十八年後操自稱爲魏公十九年劉備劉璋據益州備字元德涿郡人備父事州郡少孤母販履賃織爲生舍東南角籬上有桑樹高五丈餘

常望氣暈暈如小車蓋往來者異之或云此家出貴人備小時兒戲其下曰吾必乘此羽葆車蓋叔父子驚曰勿妄言滅吾門矣年長大不樂讀書希走狗馬奏音樂美衣服長七尺五寸手過膝少語善下人喜怒不形於色至建安二十年操殺皇后及皇太子二十一年自稱魏王其年劉備自稱漢中王 字統云夜爲烽晝爲燧鄭元云金燧者火鏡也木燧者火鑽等論語云鑽燧改火 爾雅云田者地也 介者弱也詩云介爾景福謂細念也 翺小飛翔迴飛也郭璞云布翅翺翔 彼論齊物一夢爲短而非短百年爲長而非長今借喻妙境



理稍可通若均山亭等鳧鶴恐未可也具如論衡范贊  
與靜泰論於齊物贊屈子泰者以齊物無理故也 杜  
延業云福有五種一曰壽福二曰富福三曰康甯福四  
曰攸好德福五曰考終命福

第五之四

國語曰東西曰廣南北曰運 儵者駛也亦驚也亦可  
作倏楚辭云往來速疾也 禮云知天文鳥也說文云  
水鳥能知天雨趙將伐燕蘇代爲燕說趙王曰今者臣  
從外來遇小水蚌方出暴而鵠啄其肉蚌合而夾其喙  
鵠曰今日不雨明日不雨必見蚌脯蚌亦謂鵠曰今日

不出明日不出必見死鵠兩者不捨漁父得而併擒之  
今趙且伐燕燕趙相支以弊其眾臣恐強秦爲漁父也  
故願大王熟計之趙王乃止出春秋後語 像者似也  
文選海賦云倣像其色 老子曰天得一以清地得一  
以甯侯王得一以爲天下正 爾雅云陰而風曰翳又  
風動塵起曰埃煙雲霧起曰靄 七曜圖云日月五星  
名爲七曜日是陽精月是陰精五星者東歲南熒惑西  
太白北辰及中央鎮所言靈者大戴禮云陽之精氣曰  
神陰之精氣曰靈爾雅云八方神爲八靈 爾雅曰西  
北隅謂之屋漏東北隅謂之宦宦音怡郭云未詳麻杲



云養養萬物也東南隅 謂之突烏鈞切西南隅謂之  
隩謂屋中隱隩之處 周易云以至於無損 莊周貴  
坐亡故云馳無益又外篇云敬孝易愛孝難愛孝易亡  
親難亡親易使親亡我難使親亡我易兼亡天下難兼  
亡天下易使天下亡我難注云恣之使天下自得安得  
不亡我耶 八風者爾雅曰南爲凱風東爲谷風北爲  
涼風西爲泰風從上下爲頽風從下上爲飈風與火俱  
爲庀徒昆切風迴轉爲旋風亦是四方四維之八風也  
爾雅云烏罟曰羅兔罟曰第亦曰置 爾雅云堂堂容  
也白虎通云堂堂明也

第五之五

毳卽細毛尙書云皆生濡毳細毛以自溫也

第五之六

玉篇云山神爲魑魅水神爲魍魎西京賦云山神虎形  
爲魑宅神豬頭人形爲魅通俗文云木石變怪爲魍魎  
論語第九有楚狂接輿見孔子領徒而行乃爲歌曰  
鳳兮鳳兮何德之衰爾雅云雄曰鳳雌曰凰鄧艾對魏  
主以此爲譏警魏主令其破蜀艾爲性吃對魏主時頗  
稱艾艾魏主戲曰艾艾爲有幾艾荅曰鳳兮鳳兮祇是  
一鳳 淮南子云偷者天下之大賊 安法師著二教



論引班固九流道教則是九中之一 牟子曰堯事尹  
壽舜事務成丘學老聃且師呂望四師雖聖比之於佛  
猶白鹿之比麒麟比其教也猶烏鵲之與鸞鳳比其形  
也猶丘垤徒結反 蟻封也之與華恆他又問曰蓋諸道叢殘凡  
九十六懼怕無爲莫尙於佛神仙之術僕以爲尊殆佛  
法之不如乎牟子曰指南爲北自謂不惑引東爲西自  
謂不迷如汝所言似以鸚鵡而笑鳳凰執蠅蚘而嘲龜  
龍然世人有背日月而向燈燭深溝瀆而淺江河豈不  
謬乎汝背佛法而尊神仙者此之謂也以道可道下斥  
其以邪濫正如新注云若稱可眞常之道非世常人所

行之道舊注云可說之道非眞常之道名可名例之可  
知 道士李仲卿著十異論琳法師立十喻論以喻其  
異 聃有無爲無欲之語有常名常道之說常無欲觀  
其妙 五千之文但去奢去泰自約自儉守雌守弱患  
智患身是故聃化以虛無爲本懼怕爲先 老在桓王  
之年託牧母之野合居陳州之苦縣厲鄉曲仁之里字  
伯陽謚老聃咨柱史處小臣莊任漆園德位可識 嚴  
觀法師與何承天論中邊事具如釋籤 列傳云喜爲  
周大夫善星象因見異氣而東迎之果得老子請著書  
五千有言喜亦自著書九篇名關令子 化胡經老過



關西喜欲從聃求去聃云若欲志心求去當將父母等  
七人頭來乃可得去喜乃從教七頭皆變爲豬頭 莊  
子蒙人也名周梁惠王同學著書十餘萬言而皆寓言  
今宋州北故蒙城是其處也現有漆園鄉 顛顛仰也  
爾雅云顛顛昂昂君德也詩云萬人顛顛 爾雅云貝  
居陸者曰賧卑遙切 在亦者曰蝮古含切

第六之一

第六之二

富者福也周禮云豐財也 莊子云古之所謂得志者  
非軒冕之謂也今之所謂得志者軒冕之謂也軒冕在

身非性命之有物儻來寄不可卻其去也不可止故不

可以軒冕肆其意 甯戚邀齊桓公乃於城旁飯牛至

夜叩牛角而歌曰南山岸白石燦下有寒泉文章煥中

有鯉魚長尺半生不逢堯與舜膳短褐禪衣齊至故

切亦下晏切脛也從朝守牛至夜半長夜漫漫何時旦黃犢黃

犢伍官何時用汝爲國相桓公夜聞之召爲國相 鼎

者說文云三足兩耳調五味之寶器也爾雅云絕大者

曰鼯奴戴切漢書郊祀志云昔太昊興一鼎象一統黃帝

作三鼎象三才夏禹作九鼎象九州 五行似五戒者

畧以白虎通博物志意會釋其相木主東方東方主肝



肝主眼眼主春春主生存則木安故云不殺以防木  
金主西方西方主肺肺主鼻鼻主秋秋主收藏則金  
安故不盜以防金水主北方北方主腎腎主耳耳主冬  
淫盛則水增故不淫以禁水土主中央中央主脾脾主  
身土王四季故提謂經云不妄語如四時火主南方南  
方主心心主舌舌主夏酒亂增火故不飲酒以防於火  
禮云酒者因祭祀而用之非謂常飲 魏文侯問於  
子夏曰吾端冕而聽古樂則惟恐卧聽鄭衛之音則不  
知倦敢問古樂於彼如何新樂於此如何子夏曰夫古  
樂者始奏以文復亂以武修身及家均平天下此古樂

之發也夫新樂者獲襍子女不知子父此新樂之發也  
夫樂者天地順而四時當民有德而五穀昌疾疹不作  
而無妖祥故曰樂以防淫詩防殺者謂毛詩刺上專防  
暴殺謂上以風化下下以風去刺上尙書防盜者專明  
帝王義讓之德故防於盜易測陰陽等者如孔子有三  
備卜經上知天文中知人事下知地理使詐者不行  
頭圓像天足方像地身內空種卽是虛空腹溫法春夏  
背剛法秋冬四體法四時大節十二法十二月小節三  
百六十法三百六十日鼻息出入法山澤溪谷中風口  
息出入法虛空中風眼法日月開閉法晝夜髮法星辰



眉法北斗脈法江河骨法玉石肉法地土毛法叢林五  
藏在天法五星在地法五嶽在陰陽法五行在世法五  
常在內法五神修行法五德治罪法五刑謂墨劓剕宮  
大辟主領爲五官五官如下第八卷引博物志謂句芒  
等升天曰五雲化爲五龍心爲朱雀腎爲元武肝爲青  
龍肺爲白虎脾爲勾陳 心內爲大王居百重之內出  
則爲五官侍衛肺爲司馬肝爲司徒脾爲司空四支爲  
民子左爲司命右爲司錄主司人命乃至臍爲太一君  
等 華他者列傳云字文化沛國譙人也專遊學舉孝  
廉避而不就曉養生之術時人以其年且百歲貌如二

十精於方藥心解分劑不假稱量若鍼藥不及則飲以  
麻湯須臾如醉開腹取病若在腸中則便斷腸瀉洗縫  
腸膏傅二三日便復此例甚眾 扁鵲者後語云越醫  
也因過齊見桓侯云王有疾在腠理桓侯曰寡人無疾  
如何欲治無疾爲功五日後復見王云有疾在血脈五  
日後見云有疾在腸胃五日後扁鵲退走桓侯使人逐  
之問其故扁鵲云疾在腠理可湯熨在血脈可鍼灸在  
腸胃可酒藥過此後在骨髓司命所及不可治也

第六之三

崖者岸也爾雅云水濱也又云崖重者曰岸 化胡經



乃是道士王浮偽造 淮南子云用兵如決積水於千  
仞之隄轉圓石於萬丈之壑 莊子注以圓環內空體  
無際名爲環中

第六之四

楚有賣矛及賣盾者有來買矛語買者言此矛壞千盾  
有來買盾者語買者言此盾壞千矛買矛者猶在買盾  
者復至買矛者語賣者言還與汝矛而壞汝盾爲得幾  
盾賣者無荅

第七之一

荒爲八荒八極之內亦云四海之外亦曰九州之外亦  
云荒服之外故曰荒外如第一卷所引爾雅云九夷等  
四此次荒之國也觚竹等四此極遠荒之國也

第七之二

億者玉篇云心不力也 屑屑者不安之相亦云瑣瑣  
小陋貌也郭璞云往來貌也亦碎貌也 隆者高也爾  
雅云宛中隆郭璞云山中央高也 扞者除也蒼頡篇  
云酌取也 酖者爾雅云久樂也

第七之三

膿者玉篇云癰疽血也 膏者身滑澤也說文云有角  
曰脂無角曰膏禮云犬膏臊雞膏腥羊膏羶 殃者咎



也罪也爾雅云肉爛也 凡諸諺言皆似聖語故自昔  
來用爲實錄顏氏家訓往往引之 鄭者亦重也故漢  
書云皇天所以鄭重

第七之四

券者約也亦契也說文云券別之書以刀判其旁故謂  
之契故字從刀 睿者說文云深明也智也 懷者安  
也詩云懷我好音 禮云發然後禁則捍撻而不勝注  
云捍撻者堅不可入也 頌中云儻從禮云導也 埤  
蒼云純者衣繡裳也 祿者爾雅云福也孝經注云食  
廩曰祿楊承云上古無祿人食野禾因朝闕食獵者賜

鹿以當於食故變爲祿字 戟者短戈鉤子槩也郭璞  
注方言云戟中有小刺謂雄戟也 尙書殷高宗聘傅  
說於傅巖之野云若濟巨川用汝作舟楫若歲大旱用  
汝作霖雨若作酒醴爾惟麴蘖若作和羹爾惟鹽梅  
說文云旁曰帷上曰幕 說文云四合象宮室張之曰  
帳淮南子云將軍幃帳也 衝者說文云通道也廣雅  
云突也 說文云北者乖也又軍走曰北又北主陰方  
陰主殺也 尙書云德懋懋官功懋懋賞懋者勉也  
說文云巫者祝也祝者祭主申讚辭者也

第八之一



舉螯者蟹類也埤蒼云其一螯偏大名為擁劍亦名執  
火鬻者項毛也說文云馬鬻鬻也莊子云白波如  
山文選海賦云波如連山鴻者郭注山海經及廣雅  
云其鳥身有毒大如鸚紫綠色頸長背赤長七八寸而  
食蛇雄名運日雌名陰諧以其尾厯食食則殺人婚  
者昏也昏時行禮故曰婚也爾雅云婿名為姻婦名為  
婚娉者娶也周禮曰眾來曰覩寡來曰娉覩字土調切  
娉者謂執玉帛而趣問也搏節者有禮儀也禮云君  
子恭敬搏節馴者字林云性行調馴馴字餘輪切亦旬  
音

第八之二

鄭元云小聘曰問漢書云令問休豫脈者血氣所行  
道也夫脈法者本在醫道非可具知今須略知五藏之  
相而用治法四時脈相者春絃夏洪秋浮冬沈土王四  
季用對五行五藏相生相尅以辨脈相略明候法者從  
魚至貫名為尺澤即大指後大橫文前名之為魚大  
橫文後名之為貫貫後三寸名為寸口尺後寸前名為  
關陽肝心出左脾肺出右左腎為命門右腎為命根肺  
脈來時如順榆葉曰平如風吹毛曰病如連珠者曰死  
心脈來時如管曰平如連珠曰病前曲後直如帶鉤曰



死肝脈來時薄弱曰平如張弓弦曰病如雞踏地曰死  
脾脈來時阿阿如繩曰平如雞舉足曰病如鳥啄水漏  
曰死腎脈來時微細而長曰平如彈石曰病如解索曰  
死諸脈暫大復小爲陰暫小復大曰陽今文明五藏  
相者非是相生亦非相對但當藏太增而成於病如木  
性多直今太洪直火大性升今多輕浮金性堅利今太  
尖銳水性流注今則滴瀝土性堅澀今太沈重或性過  
分致病或衰弱故而致患也木主肝若枝葉枯燥是  
木之病故無光澤如木無潤火主心也火若失色不赤  
是火之病故而青肥而成病也金主肺肺色白而今色

黑是肺病也水主腎流處壅滯令體無力故腎病也土  
主脾如堆阜不平卽脾病也如肺害肝是金尅木還  
用肺氣收取金行餘之四藏準此可知博物志云若  
襍食者百疾妖邪之所鍾食逾少心逾明食逾多身逾  
損故食不可過度故要覽云夫病從口入禍從口出故  
君子慎言語節飲食白虎通博物志云東方木其帝  
太皞其佐句芒執規而治春其星太歲其獸青龍其音  
角其日甲乙其味酸臭羶南方火其帝炎帝佐祝融執  
衡而治夏其星熒惑鳥朱雀音徵日丙丁味苦臭焦西  
方金帝少皞佐蓐收執矩而治秋星太白獸白虎音商



日庚辛味辛臭腥北方水帝顓頊佐元冥執權而治冬  
星辰星獸元武音羽日壬癸味鹹臭腐中央土其帝黃  
帝佐后土執綱而制四方星鎮星獸黃龍音宮日戊己  
味甘臭香 五音呼喚屬角木語言屬徵火哭屬商金  
吟屬羽水歌屬宮土 蒼頡篇云男曰兒女曰嬰釋名  
云人之初生日嬰兒者膺前曰嬰接之嬰前而乳養之  
故曰嬰也 張華治李子預病病鬼在膏肓不肯治之  
華乃走避預自乘馬逐之華乃下道隱聞草中有鬼而  
相問言弟何不隱去荅我住其膏肓鍼灸不至何須隱  
去但懼其用八毒丸耳須臾子預至華便以八毒瀉之

其鬼叫喚而走出本草郭注 蔣添文吳明徹毛喜此  
陳朝要官皆稟息法腳氣獲除具如百錄 如金尅木  
則肺彊而肝弱名爲肝病則止心於肺 如水性寬以  
急治之餘大準此 五指主五藏故大指主肝頭指主  
肺中指主心無名指主脾小指主腎 庸者廣雅云愚  
也 匠伯輟斲於郢人伯牙絕絃於子期故僧彪詩云  
鍾期不可遇誰辯曲中心鍾期若聞伯牙撫山曲云巍  
巍乎煥然其高聞彈水曲云洋洋乎盈耳哉

第八之三

字書云以道訓人名之爲諫又云諫有五謂諷順闕指



陷 戌者爾雅云過也守以止賊故字從人執戈 楚

詞云啾啾蟲鳴又云啾啾鸞聲 十二時獸者若五行

中名十二肖餘五行法並但十二唯六壬式中列三十

六 列子云鸞鼠伏翼 貉者應作貉胡各切爾雅云雌

者曰貓乃老切今江東呼為狻狻 臘者獵也於此月中

獵取禽獸以祭其祖從事而立故名為臘或曰臘者接

也史記云始皇名臘夏曰嘉平殷曰清祀周曰大蜡鈕架切

自漢後為臘以至於今

第九之一

罔者光也月圓明也蒼頡篇云大明也 懽候者不調

之貌出字書 恬靜也莊子云無為也

第九之二

蟄者藏也易曰龍蛇之蟄以藏身

第九之三

禮云凡葬而無墳謂之墓白虎通云天子墳高三仞一

仞七尺樹之以松諸侯半之樹之以柏大夫八尺樹之

以藥藥者說文云似木闌土四尺樹之以槐庶人無墳

樹之以楊柳 汪者水深也廣雅云萬頃陂也 吳太

伯為太王長子次弟仲雍幼弟季歷太王有疾讓弟承

嫡故託采藥入於東吳 堯聘許由為九州長由聞之



詣河洗耳巢父因飲牛而見之問曰夫人洗者先洗於  
面子何洗耳荅曰堯聘我爲九州長惡聞其聲故洗之  
也巢父曰吾聞豫章之木生於深山之巔上無通車之  
路下無涉險之逕工匠雖巧而不能得子欲避世何不  
深藏而浮游人間苟求名利吾欲飲牛汗吾牛口乃牽  
牛上流而飲之 愉者亦樂論語云愉愉如也 周禮  
注云備百物曰薦置滋味曰羞

第十之一

莊子云有說則可無說則死 書云羿善射堯九年洪  
水七日並出羿射落其六又云養由基善射去樹葉百

步射之百中與楚襄王出獵見羣猿遶樹王命左右射  
之羣猿騰躍更甚王命由基射之猿乃抱樹長啼 綽  
者郭璞云寬裕也詩云綽綽有裕 曳牽也亦可作拽  
字林云臥引也 星者說文云萬物之精以爲列宿  
月至昴張氏婁室胃地動屬水地神是歲無雨不宜麥  
若至柳尾箕壁奎危地動屬龍神災同前若至參鬼星  
軫亢翼地動屬金翅鳥災同前若至心角房女虛井畢  
觜斗地動屬天帝安隱豐樂宜五穀餘如星書

第十之二

廣雅云元黑色 如云太極生兩儀分而爲天地變而



爲陰陽故曰是生兩儀兩儀既立變化生乎其中又云  
天地變化能生能成君臣變化能安能理故知君臣父  
子之道不出於陰陽八卦六爻亦不出於陰陽變化變  
化相易吉凶生焉吉凶雖生窮理盡性以至天命又  
復周易但論帝王君子之道卜筮陰陽之理故並不出  
於有老子守雌保弱去泰去甚如云有生於無不可名  
焉復歸於無莊子內篇自然爲本如云雨爲雲乎雲  
爲雨乎孰降施是皆其自然又言有無者內篇明無外  
篇明有又內篇中元極之義皆明有無如云夫無形故  
無不形無物故無不物不物者能物物不形者能形形

故形形物物者非形非物也夫非形非物者求之於形  
物不亦惑乎又云有性有情無爲無形莊謂孔子  
爲仁義賊以行仁義雖防小盜不意大盜大盜者謂竭  
仁義以謀其國竭字非應作揭去列切高舉貌也如負建  
鼓而求亡子詎可得乎璞者玉也鄭重玉璞若有得  
者與其厚賜周人聞之規其厚賜周人風俗名死鼠爲  
玉璞乃將詣鄭鄭人笑之其人悟已荅鄭人曰楚人鳳  
皇其實山雞以楚王重鳳有不識鳳者路行見擔山雞  
者問之曰此何鳥擔者知其不識乃戲曰鳳皇其人謂  
實便問擔者販耶荅販問幾錢荅萬錢用價買之擬欲



上王得已便死楚王聞之愧而召問王亦謂實乃以十  
萬賜之 翰珠者薏苡子也以根爲湯可瀉寸白亦可  
治蠅 爾雅云龜有十種一神最神明故二靈邊如玳  
瑁可卜者是三攝腹下折食蛇者是四寶五文甲有文  
負河圖六筮在著叢下七山八澤九水十火其猶火鼠  
五石者白瑛紫英石膏鍾乳石脂故神農經曰上藥  
養命謂五石鍊形六芝延年中藥養性謂合歡蠲忿萱  
草忘憂下藥治病謂大黃除實當歸止痛 本草云重  
婁者蚤休也亦名黃精博物志云皇帝問天老曰天地  
所生有食者令人不死乎天老曰太陽之草名曰黃精  
食可長生太陰之精名曰鉤吻入口則死鉤吻者野葛  
也若不信黃精之益壽亦何信鉤吻之殺人



古吳郡廟西首  
謝文翰齋刻印



